


131.34

8549.51

394031





說文解字第十四

義證第四十六

曲阜桂馥學



𠄎 平也象二干對構上平也凡𠄎之屬皆從𠄎

古賢切

文一

𠄎 挹取也象形中有實與包同意凡勺之屬皆從勺

若

本書勺也斟勺也 玉篇勺飲器也十勺為升 周禮梓人為飲器勺一升 舊三禮圖勺容五升口徑六寸曲中博三寸長三寸柄長二尺四寸漆赤中柄末亦丹 明堂位其勺夏后氏以龍勺殷以疏勺周以蒲勺 定四年左傳勺飲不入口 語林諸阮以大盆盛酒朱勺數枚 束皙貧家賦舉短柄之屈勺 史記項羽本紀沛公不勝枹杓 漢書息夫躬傳霍顯之謀將行於杯杓顏注杓所以抒挹也字與勺同 又通作酌禮孔子閒居上酌民言注云酌猶取也成六

說文解字卷第十四

年左傳子為大政將酌於民者也杜注酌取民心以為政成十四年傳衛夫人見太子之不哀也不內酌飲挹取也者詩大東惟北有斗不可以挹酒漿又行葦酌以大斗正義云蓋從大器挹之於樽用此勺曰士冠禮勺解角柶注云勺尊升所以酌酒也僖八年公羊傳蓋酌之也何注酌挹也

与 賜予也一勺為与 此与與同 余呂切

賜予也者通作與書湯誓予其大賚汝傳云賚與也周禮大卜以邦事作龜之八命三曰與注云與謂予人物也曲禮與人者不問其所欲此与與同者當云此與予同

文士

踞几也象形周禮五几玉几雕几彤几髹几素几凡

几之屬皆從几 居履切

阮謐三禮圖几長五尺高尺二寸廣二尺 詩行葦或肆之筵或授之几箋云稚者為設筵而已老者加之以几 漢官

儀黃門令為大師於省中施坐置几

踞几也者本書屍從尸下兀居几急就篇簡札檢署槩牘家顏注家伏几也今謂之夾膝 周禮五几云云者春官司几筵掌五几王左右玉几諸侯右彫几筵 國賓左彤几甸役右漆几凡喪事右素几

王 依几也從几從任周書曰凭玉几讀若馮 皮冰切

依几也者尚書釋文引同又云字林同張華有依几銘通作機昭五年左傳設機而不倚凭或作憑語林孫翊詣任元襄見門吏憑几視孫入語任曰吏憑几對客不為禮任便推之吏荅云得罰體痛以橫木扶持非憑几也孫曰直木橫施植其兩足便為憑几何必孤鵠蟠膝曲木抱腰周書曰凭玉几者顧命文彼作憑 讀若馮者詩卷阿有馮有翼箋云馮馮几也士喪禮主人西面馮尸注云馮服膺之僖五年左傳神所馮依將在德矣

尸 處也從尸得几而止孝經曰仲尼尻尻謂閒尻如此

九魚切

處也者凡通作居詩殷其雷莫或遑處擊鼓爰居爰處四
牡不遑啟處黃鳥不可與處傳並云處居也采薇不遑啟
處箋云處猶居也論語不以其道得之不處也論衡作不
居也玉藻居士錦帶注云居士道藝處士也馥案凡坐也
詩不遑啟居箋云啟跪也啟為跪則居為坐矣樂記子曰
居吾語汝注云居猶安坐也仲尼燕居子曰居女三人者
吾語女注云居女三人者女三人且坐也孝經居吾語汝
孟子坐我明語子列子黃帝篇姬將告汝注云姬居也又
姬魚語女注云姬音居檀弓何居鄭注居讀為姬姓之姬
周易則居可知矣鄭注居讀為姬從尸得几而止者曲
禮坐如尸曹憲注廣雅云凡古愚反案說文從尸几聲
孝經曰仲尼凡者開宗明義章文彼作居顏氏家訓仲尼
居三字之中兩字非體三蒼尼秀益上說文尸下施几
凡謂閒凡如此者孝經釋文云鄭元云凡凡講堂也王肅
云閒居也孔安國云靜而思道也顏氏家訓何必仲尼居
即須兩紙疏義燕寢講堂亦復何在馥案晉胡母謙孝經
傳云凡背東壁此亦兩紙疏義之文也禮孔子閒居鄭目
錄云退燕避人曰閒居趙策武靈王平晝閒居鮑注言平
日無事之時

𠄎

止也得几而止從几從夕

昌與切

止也者廣雅同詩江有汜其後也處鳧鷖來燕來處傳並
云處止也孫子軍爭篇卷甲而趨日夜不處行几而止
從几從夕者徐鍇本
作從夕得几而止

處

處或從尸聲

文四

重一

且

薦也從几足有二橫一其下地也凡且之屬皆從且

子余切又干也切

徐鍇本且古文以為且又以為几字玉篇且古文作且

薦也者本書下下基也薦物之几苴履中草菹茅藉也凡
從且者皆有薦藉意詩韓奕籩豆有且從几者馥案且
薦倉故從几足有二橫者詩闕宮籩豆大房箋云大房
玉飾俎也其制足間有橫下有柎似乎堂後有房然士昏

禮主人拂几授校注云校几足戴侗日記曰薦豆執校兩足閒橫木也馥案少牢禮腸三胃三長皆及俎距距即橫也俎亦有足少儀取俎進俎不坐注云以其有足明堂位俎有虞氏以椘夏后氏以巖殷以棋周以房俎注云椘斷木為四足而已巖之言蹙也謂中足為橫距之象周禮謂之距棋之言枳棋也謂曲槩之也房謂足下跗也上下兩閒有似於堂房

俎

禮俎也從半肉在且上

側呂切

廣雅俎几也方言俎几也西南蜀漢之郊曰杜馥案後漢書鍾離意傳藥崧為郎無被枕杜注云謂俎几也禮俎也者宗廟祭器也隱五年左傳鳥獸之肉不登於俎則君不射杜注俎祭宗廟器切肉之薦亦曰俎史記項羽本紀如今人為刀俎我為魚肉說者以俎為棗版是也從半肉在且上者字書俎肉几也鄉射禮賓辭以俎注云俎者肴之貴者也後漢書馬融傳起謀於尊俎之閒注云俎載牲之器

且

且往也從且虞聲

昨誤切

且往也者本書退往也籀文從虛檀弓說祖奠云夫祖者且也禮記奔喪注云自是哭且遂行

文三

斤

斫木也象形凡斤之屬皆從斤

舉欣切

本書擣斤柄性自曲者廣韻引周書神農作陶冶斤斧考工記宋之斤孟子斧斤以時入山林莊子運斤成風斫木也者李善注長笛賦引同字鑑引作所木斧也徐鍇本同哀二十五年左傳皆執利兵無者執斤杜注斤工匠所執馥案因三匠作亂故執斤字或作斫釋名斫謹也板廣不可得制削又有節則用此斫之所以詳謹令平滅斧跡也莊子在宥篇斫鋸制焉黃庭經天庭地關列斧斫

斤

所也從斤父聲

方矩切

釋名斧甫也甫始也凡將制器始用斧伐木已乃制之也急就篇鈴鐘鉤錘斧鑿俎顏注斧所以伐木也詩既破我斧傳云隋盞曰斧

所也者易旅卦得其資斧注云斧所以所除荆棘以安其舍者也薛瑀異物志江東呼斧斤為錯馥謂錯所一聲之轉

斲 方斲斧也從斤斤聲詩曰又斲我斲七羊切

釋名斲戕也所伐皆戕毀也

方斲斧也者別於櫜斲也詩七月取彼斧戕傳云戕方斲也櫜冠子世兵篇櫜枋一術奚足以游陸佃注櫜讀如隋

斲之隋枋讀如方斲之方詩曰又斲我斲者翺風破斧文

斲 擊也從斤斤聲之若切

擊也者玉篇斲所刀所枚乘七發斲所斬以為琴

斲 所也從斤句聲其俱切

玉篇斲鋤屬馥案本書鏹大鉏也國語惡金以鑄鉏夷斤櫜賈注斤鏹也通作句釋器斲斲之定考工記注引作句櫜

斲 所也從斤屬聲職玉切

所也者本書櫜所也山海經縣斲之山注云音如斤斲之斲廣韻斲與鑿同荀子榮辱篇所謂以狐父之戈鑿牛矢也注云或讀鑿為所

斲 所也從斤盟竹角切

書梓材既勤樸斲宣十年左傳斲子家之棺杜注斲薄其棺成二年傳賂之以執斲杜云執斲匠人哀十五年傳天或

者以陳氏為斧斤既斲喪公室淮南說林訓循繩而斲則不過何晏景福殿賦匠后不知其所斲

斲也者李善注七命琴賦所引並同廣雅亦同楚詞九歌斲冰兮積雪王注斲所也從斤盟者徐鍇本作盟聲

斲 斲或從畫從取

斲 斲斷也從斤金宜引切

斲斷也者一切經音義十四說文斲斲也斲音子隨反斲刀也馥案玉篇廣韻並作劑也從斤金者下當云斤亦

張丞相列傳姁姁廉謹集解徐廣曰一作斷索隱云義如尚書斷斷猗無他技

亦古文

柯擊也從斤良聲來可切

柯擊也者廣韻斷相擊也類篇所下云斷所擊也擊疑擊

取木也從斤業聲息鄰切

取木也者新通作薪詩七月采茶薪樛箋云惡木之薪

二斤也從二斤語斤切

質從此

文十五 重三

斗 十升也象形有柄凡斗之屬皆從斗當口切

十升也者說苑十升為一斗漢書律歷志斗者聚升之量也或借斗漢書平帝紀民捕蝗詣吏以石斗受錢後漢書仲長統傳令畝收三斛斛取一斗增韻考工記辟人一獻而三酬則一豆矣注豆當作斗釋文音斗居正案今俗書斗斛之斗為斗蓋訛併耳

斗 十斗也從斗角聲胡谷切

風俗通斛者角也漢書律歷志斛者角斗平多少之量也九章算術古粟斛方一尺長二尺七寸夏侯陽算經倉

曹云古者鑿地方一尺深一尺六寸二分受粟一斛至漢王莽改鑄銅斛用深一尺九寸二分至宋元嘉二年徐受重鑄用二尺三寸九分至梁大同元年甄鸞校之用二尺九寸二分

十斗也者聘禮記十斗曰斛雜令諸量以秬黍中者容一千二百為龠十龠為合十合為升十升為斗十斗為斛北史韋孝寬傳百升飛上天百升斛也

斗 玉藏也夏曰琰殷曰斝周曰斝從叩從斗口象形與

蔽同意或說畢受六升古雅切

玉巖也者王觀國引字書同廣雅畢爵也昭七年左傳賂以畢耳注云畢耳玉爵昭十七年左傳若我用璫畢玉贊杜云畢玉爵也黃長睿曰畢比爵但無珠尾夏官量人凡宰祭與鬱人受畢注云鄭司農云畢讀如嫁娶之嫁畢器名元謂畢讀如報尸之報夏曰璫殷曰畢周曰爵者本書無璫字字鑑引作醲徐錯本同本書醲爵也廣韻引禮記作醲廣雅醲爵也明堂位爵夏后氏以璫殷以畢周以爵鄭注畢畫禾稼也詩行葦洗爵奠畢傳云畢爵也夏曰醲殷曰畢周曰爵畢受六升者御覽引作爵受十六升醲謂十字衍

料 量也從斗米在其中讀若遼洛蕭切

量也者李善注魏都賦引同又注赭白馬賦引字林亦同史記孔子世家嘗為季氏吏料量平通鑑言宋濫錢之弊云市井不復料數注云料量也料數者料其多少之數也禮運月以為量正義量猶分限也

𧯛 量也從斗與聲周禮曰朶三𧯛以主切

廣雅鍾十日料莊子田子方篇餽斛不敢入於四竟釋文云司馬本作餽餽讀曰鍾餽讀曰與通作與小爾雅四豆為區四區曰釜釜有半曰與又通作庾論語與之庾包注十六斗曰庾魯語其歲收田一井出稷禾秉芻缶米韋注缶庾也聘禮曰十六斗曰庾昭二十六年左傳粟五千庾杜注庾五斗庾入萬斗聘禮門外米三十車車秉有五簋注云秉簋數名也秉有五簋二十四斛也簋讀若不數之數今文簋或為逾聘禮記十六斗曰簋注云今江淮之間量名有為簋者今八簋為逾馥案與逾簋聲相近量也者廣雅同五經文字與量名周禮曰朶三料者考工記弓人文彼作漆三料馥謂漆本作朶傳寫譌為朶類篇不誤

𧯛 蠶柄也從斗軌聲揚雄杜林說皆以為軺車輪幹烏括切

顧炎武曰史記賈生傳幹棄周鼎兮而寶康瓠應劭曰幹音筦筦轉也幹流而遷兮或推而還索隱曰幹音烏活反幹轉

也義同而音異今說文云幹蠡柄也從斗幹聲揚雄杜林說皆以為輶車輪幹易括切顏師古匡謬正俗云聲類字林竝音管賈誼服鳥賦云幹流而遷張華勵志詩云大儀幹運皆為轉也楚辭云筦維鳥繫此義與幹同字即為筦故知幹管子幹流遷徙潘岳河陽縣詩幹流隨風飄謝惠連詩傾河易回幹幽通賦幹流遷其不濟兮此皆轉義也

蠡柄也者幹通作幹考工記鳧氏為鐘鐘縣謂之旋旋蟲謂之幹馥謂即孟子所云追蠡揚雄杜林說皆以為輶車輪幹者類篇幹穀端杳也

𦉳 羹斗也從斗鬼聲 苦回切

羹斗也者本書料勺也匪似羹魁齊民要術種榆十年後魁碗瓶榼器血無所不任春秋運斗樞北斗七星第一至第四為魁第五至第七為杓合為斗

𦉴 平斗斛也從斗萑聲 古岳切

平斗斛也者徐鍇本作平斗斛量也廣雅斟量也通作角玉篇斟今作角管子七法篇斗斛也角量也呂氏春秋仲秋紀正鈞石齊升角月令仲春角斗甬注云較其同異也又通作較孟子魯人獵較漢書孔光傳較然甚明又通作校論語犯而不校學記中年考校周禮小宰比官府之具鄭云比校次之又通作講漢書蕭何傳講若畫一

𦉵 勺也從斗甚聲 職深切

勺也者本書勺挹取也周語而後王斟酌焉韋注斟取也楚辭天問彭鏗斟維帝何饗注云斟勺也風俗通聲音篇周公作勺勺言能斟勺先祖之道也通作酌廣雅斟酌也漢書敘傳斟酌六經西都賦騰酒車以斟酌

𦉶 抒也從斗余聲讀若茶 似嗟切

抒也者纂文抒水斗也集韻捺抒也通作斜廣雅捺抒也

𦉷 挹也從斗奭聲 舉朱切

挹也者廣雅奭抒也士冠禮注勺尊升所以斟酒也詩大東維北有斗不可以挹酒漿傳云挹奭也思元賦奭白水

以爲漿或通作仇詩賓之初筵賓載手
仇箋云仇讀曰與釋文與謂挹取酒
量物分半也從斗從半亦聲博慢切

𣪠 量溢也從斗𣪠聲普郎切
量溢也者集韻引作量物溢也徐鍇
本同今雲南順寧以一斗爲一斜

𣪡 相易物俱等爲𣪡從斗蜀聲昌六切
相易物俱等爲𣪡者蜀
與贖義同玉篇贖質也


𣪢 相易物俱等爲𣪢從斗蜀聲昌六切
相易物俱等爲𣪢者蜀
與贖義同玉篇贖質也

斛 斛有斛者廣韻斛斗有耳或作庇漢書律歷志方尺而
謂之澁古田器也土雕切

𣪣 斛有斛者廣韻斛斗有耳或作庇漢書律歷志方尺而
謂之澁古田器也土雕切

爲庇
斛有斛者廣韻斛斗有耳或作庇漢書律歷志方尺而
謂之澁古田器也土雕切

此亦整聲轉也 古田器也者本書曉斛也古田器也鈔下云一日田器郭注爾雅云皆古鈔錘字



十龠也從斗亦象形

識蒸切

玉篇十勺為升 崔靈恩詩集注古者為升上徑一寸下徑六分其深八分 粟米筭方法方一尺深一尺六寸二分容一石縱橫十截破之一方有十六寸二分容一升百六十二寸容一斗千六百二十寸容一石 考工記陶人疏引小爾雅

為豆四升 十龠也者當為二十龠廣雅龠二日合合十日升說苑度量權衡以黍生之千二百黍為一龠十龠為一合十合為一升漢書律歷志合龠為合十合為升又云合者合龠之量也升者登合之量也律呂新書合龠為合兩龠也積千六百二十分十合為升二十龠也積一萬六千二百分

文十七



酋牙也建於兵車長二丈象形凡牙之屬皆從牙

莫浮

切

當作用 世本杼作牙 方言牙或謂之鈇牙散細如雁脰者謂之鶴 郗有小枝刃者謂之鈇郭注鶴郗云今江東呼為鈇釘 呂氏春秋知分篇直兵造曾注云直牙也 淮南時則訓孟春之月其兵牙高注牙有鋒銳似萬物鑽地生書顧命一人冕執殳一人冕執翟鄭注幾翟蓋今三鋒牙鴻後趙錄冉閔杖雙刀牙 通鑑李閔操兩刀牙注云兩刃牙者鈇之兩刃皆利其刃 或作鈇王褒僮約倚盾曳鈇 酋牙也者鄭可農云酋發聲直謂牙後鄭云酋夷長短名酋之言適也酋近夷長矣詩清人二矛重英箋云二矛酋牙夷牙也酋或作公詩小戎去矛鎡傳云去三隅牙也正義云刃有三角又或作仇釋名仇牙讐也所伐則平如討仇讐也又云仇牙頭有三義言可以討仇敵之牙也 建於兵車者周禮司兵軍事建車之五兵注云鄭司農云五兵者戈及載酋牙夷牙考工記車有六等之數車軫四尺謂之一等戈秘六尺有六寸既建而進崇於軫四尺謂之二等人長八尺崇於戈四尺謂之三等及長尋有四尺崇於人四尺謂之四等車載常崇於及四尺謂之五等酋

牙常有四尺崇於戟四尺謂之六等注云此所謂兵車也
戈及戟牙皆插車輪鄭司農云也讀為倚移從風之移謂
箸戈於車裏倚也詩清人二矛重喬傳云重喬累荷也正
義云以矛建於車上五兵之最高者也倏人傳曰荷揭也
謂比二矛刃有高下重累而相負揭闕宮箋云兵車之法
右人持矛成十六年左傳晉與楚戰于鄢陵欒鍼為右使
告楚令尹子重曰寡君之使使鍼御持矛焉哀二年傳衛
太子為右禱云蒯聩不敢自佚備持矛焉長二丈者急
就篇矛鏃鑲盾刃刀鉤類注矛酋牙也長二丈詩無衣修
我戈牙傳云牙長二丈考工記廬人酋牙常有四尺夷牙
三尋注云八尺
日尋倍尋日尋

𠄎 古文牙從戈

汗簡引作𠄎 本書緇從牙古文作𠄎 古銅
印茅字作𠄎 李陽冰庾公德政頌柔作𠄎
從戈者字林牙有二橫曰矜矜是牙亦橫出刃者故從戈
陳祥道禮書自考工言之則為刺兵自說文言之則為句
兵蓋牙之為器上銳而旁句上銳所以象物生之
芒旁句所以象物生之句馥案從戈故為句兵

𠄎 牙屬從牙良聲 魯當切

牙屬者廣韻狼短牙

𠄎 牙屬從牙害聲 苦蓋切

牙屬者廣雅狼雅也

𠄎 牙屬從牙管聲讀若管 土革切

魯語借魚鼈本書作籍

𠄎 牙柄也從牙今聲 居陵切又巨巾切

牙柄也者廣雅矜柄也釋名牙冒也刃下冒矜也方言牙
其柄謂之矜考工記廬人注云凡矜入觚案本書簠積竹
牙戟矜也鄭注書顧命凡此七兵或施矜或箸柄馥案矜
八觚柄橢圓及方燕策矜戟祗劍淮南兵畧訓伐棘棗而
為矜高注矜牙柄漢書徐樂傳奮棘矜顏注棘戟也矜者
戟之把也或作獲史記秦始皇本紀鉏耰棘矜集解服虔

奚仲夏車正新語道基篇川谷交錯風化未通九州絕隔
未有舟車之用以濟深致遠於是奚仲乃撓曲為輪因直
為轅駕車服牛浮舟杖楫以代人力論衡對作篇造端更
為前始未有若奚仲作車是也續漢書輿服志奚仲為車
正具物以時六材皆良鄭氏六藝論黃帝佐官有七人奚
仲造車古史考黃帝作車至少昊始駕牛及陶唐氏制形
車乘白馬則馬駕之初也有虞氏因形車而制鸞車夏后
氏因鸞車而制鉤車俾車正奚仲建旂尊卑上下各有
等級荀子解蔽篇奚仲作車注云奚仲夏禹時車正黃帝
時已有車服故謂之軒轅此云奚仲者亦改制耳宋書禮
志系本云奚仲始作車案庖義畫八卦而為大輿服牛乘
馬以利天下奚仲乃夏之車正安得始造乎系本之言非
也大荒北經番禺生奚仲奚仲生吉光吉光是始以木為
車注云世本云奚仲作車此言吉光明其父子其創作意
是以互稱之定元年左傳薛之皇祖奚仲居薛以為夏車
正呂氏春秋君守篇奚仲作車高注奚仲黃帝之後任姓
也傳曰為夏車正封於薛漢書地理志魯國薛縣夏車正
奚仲所國潛夫論夏之興有任奚為夏車正以封於薛後
遷於邾王季之妃大任之姓也皇覽奚仲冢在魯國薛
縣東去縣二十五里山上因名奚仲山下名奚仲亭

輶 籒文車

本書輶籒
文作驪

軒 曲輶藩車從車干聲

虛言切

聲類軒安車也 楚詞注軒輕車也 鹵簿令有皮軒車
定九年左傳與之屏軒注云屏軒卿車夫人車以魚為飾卿
車以犀皮為飾 初學記諸侯
軒懸去南面飾三面其形如軒

曲輶藩車者荀子非相篇軒較之下注引本書軒曲輶也
史記索隱引作屏車一切經音義六引作輶車徐錯本同
錯曰輶兩旁壁也增韻輶下引說文輶車之蔽也漢書景
帝紀令長吏二千石車朱兩輶顏注據許慎李登說輶車
之蔽也續漢書輿服志公列侯安車黑輶注云車有輶者
謂之軒又云輶長六尺下屈廣八寸上業廣尺二寸後漢
書董卓傳卓遂僭擬車服乘金華青蓋爪畫兩輶注云廣
雅云輶車箱也漢舊儀丞相車墨兩輶謝承後漢書三公
車輶畫作鹿鄭宏為臨淮太守行春兩白鹿夾轂而行主
簿賀曰三公車輶畫作鹿明府當為宰相王篇箒篁車輶

疆載輜車臥而護之淮南厲王傳迺遣長載以輜車顏注
並云輜車衣車也張敞傳禮君母出門則乘輜車顏注輜
車衣車也續漢書高梵以衣車載太子後漢書齊武王續
傳出有輜車之飾注云輜車有擁蔽之車也東京賦終日
不離輜重張揖曰輜重有衣車也甄元成車賦復帷下而
前屏重幃垂而後蔽詩輦朱鞞傳云車之蔽曰第正義
云謂車之後戶也周禮巾車凡良車散車不在等者其用
無常注云謂若今輜車後戶之屬疏云漢時輜車與古者
從軍所載輜重財貨
之車皆車後開戶

輜

輜車也從車并聲

薄丁切

輜車也者徐鍇本作輜車也集韻引作輕車也類篇韻會
同洪武正韻輜輕車重曰輜輕曰輜後漢書袁紹傳注引
作衣車也梁冀傳注引蒼頡篇輜衣車也楚王英傳得乘
輜輦注云輜猶屏也自隱蔽之車宋書禮志案字林輜車
有衣蔽無後輟釋名輜屏也四面屏蔽婦人所乘牛車也
輜輦之形同有邸曰輜無邸曰輜周禮巾車翟車貝面組
總有握注云有握則此無蓋矣如今輜車是也疏云漢法
輜車無蓋故舉以況之廣韻輜輦兵車馥案輜有二義訓

為衣車者婦人所乘後漢輿服志太皇太后皇太后非法
駕則乘紫屬輜車列女傳齊孝孟姬傳妾間妃后踰國必
乘安車輜輦今立車無輜非所敢受命也西京雜記以輜
車載輕薄少年為女子服入後宮者日以十數是也訓為
兵車者軍旅所用亦取其屏蔽周禮車僕掌萃車之萃注
云萃猶屏也所用對敵自蔽隱之車也杜子春云萃車當
為輜車
是也

輜

臥車也從車盥聲

烏魂切

臥車也者楚漢春秋淮陰武王反上自擊之上體不安臥
輜車中通作溫史記齊世家桓公之中鈞佯死以誤管仲
已而載溫
車中馳行

輜

臥車也從車京聲

呂張切

臥車也者史記李斯傳置始皇居輜輦車中漢書霍光傳
載光尸柩以輜輦車文穎曰輜輦車如今喪輜車也孟康
曰如衣車有窗牖閉之則溫開之則涼故名之輜輦車也
臣瓚曰秦始皇道崩祕其事載以輜輦車百官奏事如故

此不得是轎車類也案杜延年奏載霍光柩以轎車駕大
廐白虎馴以輓車駕大廐白鹿馴為倅顏云輓轎本安車
也可以臥息後因載喪飾以柳絮故遂為喪車耳輓者密
閉轎者旁開窗牖各別一乘隨事為名後人既專以載喪
又去其一總為藩飾而合二名呼之耳

輓 小車也從車召聲切以招

本書幹下云揚雄杜林說皆以為輓車輪幹 宋書禮志漢
代賤輓車而貴輓輶魏晉賤輓輶而貴輓車馥案謝承後漢
書許慶家貧為郡督郵乘牛車鄉里號曰輓車督郵此漢之
賤輓也晉制中書令乘輓車傳暢故事尚書令輓車黑耳後
戶僕射但後戶無耳此晉之貴輓也 晉書輿服志輓車古
之時軍車也 隋書禮儀志輓車案六韜一名遙車蓋言遙
遠四顧之車也 釋名輓車輓遙也遠也四向遠望之車也
馥案漢始為傳車漢律一馬二馬為輓傳武帝迎申公弟
子二人乘輓傳平帝紀徵天下通知逸經古記者在所為駕
一封輓傳遣詣京師顏注以一馬駕輓車而乘傳梅福傳木
假輓傳顏注
小車之傳也

小車也者史記貨殖傳正義引同平準書索隱引同季布
傳朱家乃乘輓車之洛陽索隱云案謂輓車一馬車也釋
名小車駕馬輕小之車也駕馬宜輕使之局小也顏注急
就篇輓輕車也曲禮乘安車注云安車坐乘若今小車也
庾蔚之曰漢世駕一馬而坐乘也

輓 輕車也從車至聲切去盈

輕車也者其用有二埤蒼輓車輓兩尾楚詞九辨前輕輓
之鏘鏘兮招魂軒輓既低注云軒輓皆輕車名也東觀漢
記段穎徵還京師乘輓車介士鼓吹此言坐乘輕小之車
也周禮車僕掌輓車之萃注云輓車所用馳敵致師之車
也孫子作戰篇凡用兵之法馳車千駟革車千乘注云馳
車輕車也革車重車也漢書百官表虎賁校尉掌輓車續
漢書輿服志輓車古之戰車也洞朱輪輿不巾不蓋建牙
戟幢麾輶輶輅藏武庫吳孫兵法云有巾有蓋謂之
武剛車武剛車者為先驅又為屬車
輕車為後殿焉此言軍旅之輕車也

輓 輕車也從車酉聲詩曰輓車鑿鑿切以周

釋言輜輕也 詩蒸民德輜如毛箋云輜輕也 幽通賦守孔約而不貳兮乃輜德而無累曹大家曰輜輕也 徐渭曰千字文易輜攸畏屬耳垣牆字書云輜輕也易即輕易謂凡人輕薄則必招尤為可畏也詩云君子無易由言耳屬于垣

輜

兵車也從車朋聲

薄庚切

輕車也者廣韻輜輜車又云輕車 詩曰輜車鑿鑿者秦風駟驥文彼作鸞傳云輜輕也

兵車也者後漢書光武紀注引作樓車也馥案樓車故稱高輜陳書高祖紀萬弩齊張高輜之所非敵是也史記衡山王傳作輜車鏃矢徐廣曰輜車戰車也漢書敘傳戎車七征衝輜閑閑鄧展曰輜兵車名也

輞

兵車也從車屯聲

徒魂切

兵車也者釋名輞車戎者所乘也襄十一年左傳廣車輞車澆十五乘注云廣車輞車皆兵車名宣十二年傳使輞車逆之杜注輞車兵車名服注輞車屯守之車晉語輞車十五乘韋注輞廣車也車輞車也

輞

陷敵車也從車童聲

尺容切

陷敵車也者通作衝定八年左傳主人焚衝注云衝戰車釋文云說文作輞云陷陣車也韓詩章句元戎大戎謂兵車也車有大戎十乘謂車縵輪馬被甲衡輞之上盡有劍戟名曰陷軍之車所以冒突先啟敵家之行伍也詩皇矣與爾臨衝傳云衝衝車也正義衝者從旁衝突之稱兵書有作衝車之法墨子有備衝之篇昭十三年左傳驅衝競注云驅衝車與狄爭逐六韜車者軍之兩翼也所以陷堅陣要強敵遮走北也又云武衛大扶胥三十六乘材士強弩矛戟為翼一車二十四人推之以八尺車輪車上立旗鼓兵法謂之震駭陷堅陣敗強敵又云大扶胥衝車三十六乘螳螂武士共載可以擊縱橫敗強敵春秋感精符作衝車厲武將輪有刃鑿輪著刃衡馬輞也馥案輞車亦攻具字之車也輪有刃鑿輪著刃衡馬輞也馥案輞車亦攻具字畧輞樓車也六韜夫攻城圍邑則有輞輞臨衝淮南覽冥訓大衝車高注衝車大鉄著其輞端馬被甲車被兵所以衝於敵城也東觀漢記王莽欲盛威武以震山東兵甲衝輞干戈旌旗戰攻之具甚盛又云來歙乃大治攻具衝車度聖詩臨衝韓詩作隆衝鹽鐵論衝隆不足為強高城不足為固後漢書光武紀衝輞撞城魏畧郝昭守陳倉城為諸葛亮所圍起雲梯衝車以臨城陸機辨亾論衝輞息於

朔野唐書張巡傳賊以雲衝傳堞通鑑
高歡以攻車撞城車之所及莫不摧毀

輦

兵高車加巢以望敵也從車巢聲春秋傳曰楚子登

輦車 鉏交切

兵高車加巢以望敵也者左傳正義引同釋文引作兵車
高如巢以望敵也字林同玉篇廣韻並作若巢無高字衛
公兵法以八輪車上樹高竿竿上安輓轆以繩挽版屋上
竿首以窺城中版屋方四尺高五尺有十二孔四面列布
車可進退園城而行於營中遠視亦謂之巢車如鳥之巢
即今之版屋也 春秋傳曰楚子登輦車者成十六年左
傳文彼 作巢

輿

車輿也從車舛聲 以諸切

宋書禮志上古聖人見轉蓬始為輪輪何可載因為輿任重
致遠流運無極 隋書禮儀志車之蓋圓以象天輿方以象
地 魏書西域傳嚧達國無車有輿 明堂位鉤車夏后氏
之路也注云鉤有曲輿者也 易說卦坤為大輿又大車以

載蜀才子夏竝作大輿 字或作輿風俗通過輿篇趙仲讓
為高唐令不乘輿車徑至高唐說苑翟黃乘軒車載華蓋田
子方曰何子賜 車輿之厚也

車輿也者增韻輿主駕車者徐鍇曰輿車底也詩詁軒軸
之上加板以載物軫軼輶較之所附植輿其總名也考工
記輿人為車注云輿人專作輿而言為車者車
以輿為主也顏注急就篇著輪曰車無輪曰輿

輶

車和輶也從車旨聲 秦入切

車和輶也者列子湯問篇齊輶乎轡銜之際注云說文云
輶車輿也此言造父善御得車輿之齊整在於轡銜之際
殷敬順釋文及荀子注所引並同王君念孫曰輿者軫輶
軾輶之總名輶衆材而為之故謂之輿輿與輶同義故輿
或謂之輶說文輶輿二字相承良有以也
今本作車和輶也則與輿字意不相屬矣

輦

衣車蓋也從車曼聲 莫半切

衣車蓋也者通作幔拾遺記周穆王有鸞
章錦幔又通作縵春官巾車卿乘夏縵

今綽兮倚重較兮重較即重耳之義以喻公之開張寬廣也考工記輿人曰棧車欲弇飾車欲侈侈即兩耳侈張古制可尋若此通作角甄元成車賦及其駕也既絲鞞之而縈頭亦銅鉤之而縈角

輶

車耳反出也從車從反反亦聲

府遠切

車耳反出也者廣韻車耳曰輶通作蕃太元君子積善至于車耳測曰君子積善至于蕃也范望注蕃車耳也續漢書輿服志注云說文曰輶文畫蕃蕃箱也又通作輶漢書景帝紀令長吏二千石車朱兩轡千石至六百石朱左轡應劭曰車耳反出所以為之落屏翳塵泥也二千石雙朱其次乃偏其左輶以簞為之或用革如涪曰輶音輶小車兩屏也漢官儀引里語仕宦不止車生耳漢鏡銘作吏高遷車生耳徐廣車服儀制尚書令黑耳後戶隋書禮儀志天監二年令三公開府尚書令則給鹿幡輶施耳反亦聲者當為反聲

輶

車橫輪也從車對聲周禮曰參分軹圍去一以為輶

圍追萃切

車橫輪也者阮詹事元曰輶橫交於軹故說文曰車橫輪也周禮曰參分軹圍去一以為輶圍者考工記輿人為車文注云輶式之植者衡者也

輶

車旁也從車奇聲

於綺切

車旁也者廣韻輶枕輶鄭注考工記戈及戟矛皆插車輶釋文輶車旁也通作輶趙策臣恐秦折王之輶也鮑注輶一作輶

輶

車兩轡也從車耳聲

陟葉切

車兩轡也者廣韻引作車相倚也馥疑作車箱

輶

車約輶也從車川聲周禮曰孤乘夏輶一曰下棺車

曰輶敕倫切

車約輶也者本書標下引虞書澤行乘輶書傳作泥乘輶齊策於是約車治裝秦策子欲何之請為子約車又云王

人渠三柯者三注云鄭司農云渠謂車輅所謂身又輪人身也者以為固抱也注云鄭司農云身謂輪輅也世閒或謂之罔書或作輅又車人行澤者反輅行山者仄輅

輅 車輅規也一日一輪車從車熒省聲讀若榮渠營切

車輅規也者大戴禮勸學篇木直而中繩輅而為輪其曲中規枯暴不復挺者輅使之然也集韻篋篋規車輅則也一日一輪車者本書鞋一輪車

輅 輅所湊也從車殼聲古祿切

釋名殼塢也體堅塢也考工記車人為車殼長半柯其圍一柯有半注云大車殼徑尺五寸

輅所湊也者顏注急就篇輅謂輅所湊也老子三十輻共一殼范應元注殼輅所湊也考工記輪人以其圍之防指其藪注云鄭司農云藪讀為蜂藪之藪謂殼空壺中也玄謂蜂藪者猶言趨也藪者眾輅之所趨也淮南說林訓藪立三十輻各盡其力不得相害使一輅獨入眾輅皆棄豈能致千里哉文子羣臣輅輅張湛曰如眾輅之集藪史記

張儀傳四通輅湊賈誼傳輅湊並進漢書叔孫通傳四方輅輅顏注輅聚也言如車輅之聚於殼也吾邱壽王傳知畧輅湊顏注言其無方而至若車輅之歸於殼後漢書班固傳萬方輅湊注云輅湊如輅之湊于殼也

輅 輅齊等兒從車昆聲周禮曰望其殼欲其輅古本切

周禮曰望其殼欲其輅者考工記輪人文輅彼作眼鄭司農云眼讀如限切之限釋文眼限並音魚懇反

輅 長殼之輅也以朱約之從車氏聲詩曰約輅錯衡渠切

長殼之輅也以朱約之者廣雅輅謂之殼注云篆殼約也蓋以皮纏之而上加以朱漆也

輅 輅或從革

或從革者考工記幬必負榦鄭注幬負榦者革殼相應無羸不足戴君震釋車曰以革幬殼謂之輅說文亦作輅從革小雅約輅鎔衡毛傳曰輅長殼之輅也朱而約之疏誤以輅為長殼名非也輅即考工記幬革朱而約之者朱其

革以幬於幹也惟長轂盡飾大車短轂則無飾故曰長轂之軈

輶 車輪小穿也從車只聲 諸氏切

車輪小穿也者李善注思元賦後漢書張衡傳注引竝同玉篇引作車軸小穿也字書輶車輪之穿顏注急就篇輶輪之小穿也詩詰車軸之脩田轂者名為輶轂末之小穿容輶者名為輶考工記輪人為輪五分其轂之長去一以爲賢去三以爲輶鄭司農云賢大穿輶小穿

車 車軸也從車象形杜林說 于滅切

易林車輶擊輶擊輶傷軸

廣絕交論輶輶擊輶車軸也者方言車輶齊謂之輶注云車軸頭也昭八年穀梁傳注云流旁握謂車兩輶頭各去門邊空握釋文輶車軸頭也後漢書馬融傳發作梧輶注云輶車軸頭也史記田單傳令其宗人盡斷其車軸末而傳鐵籠已而燕軍攻安平城壞齊人走爭塗以輶折車敗爲燕所虜唯田單宗人以鐵籠故得脫集解徐廣曰輶車軸頭也索隱云斷

其軸恐長相撥也以鐵裏軸頭堅而易進也傳者截其軸與轂齊以鐵鑠附軸末施輶於鐵中以制轂也或作輶馥案又謂之輶玉篇輶車輶也 杜林說者御覽引云杜林說轂脊也本書輶轂輶脊也

輶 輶或從彗

或作輶漢書司馬相如傳輶 駟駟郭璞曰輶車軸頭也

輶 輪輶也從車畱聲 方六切

老子三十輻共一轂 考工記車人為車輻長一柯有半其博三寸厚三之一 注云輻厚一寸也又輶人輪輻三十以象日月也 大戴禮保傅篇三十輻以象月 淮南泰族訓輪不運而三十輻各以其力又說林訓輪非輻不能追疾石崇奴券作車當取 大良白槐之輻

輪輶也者范應元注老子引同周易音訓引作車輶也顏注急就篇輶者輪之輶也詩正月員于爾輶箋云輶謂輪中木之直指者下有笛以指輶上有爪以湊轂

端橫木以駕馬者字或作轅
釋名轅援也車之大援也

朝 轅也從車舟聲

張流切

周書年饒上用輿曲軻不漆 韓非外儲說荆莊王有茅門
之法曰羣臣大夫諸公子入朝馬蹄踐雷者廷理斬其軻戮
御其

軻也者考工記軻人為軻注云軻車軻也釋名軻句也軻
上句也詩小戎五檠梁軻傳云梁軻軻上句軻也正義云
衡者軻也軻從軻以前稍曲而上至衡則居衡之上而嚮
下句之衡則橫居軻下如屋之梁然故謂之梁軻也既夕
禮薦車直東榮北軻注云軻軻也隱十一年左傳穎考叔
挾軻以走宣四年傳伯勞射王汰軻昭二十六年傳繇駒
汰軻杜注並云軻車軻僖元年公羊傳於是抗軻經而灰
何云軻小車軻楚詞九歌駕龍軻兮乘雷王注軻車軻也
後漢書張衡傳馬倚軻而徘徊注云軻軻也崔寔傳方將
拊勒鞅軻以救之注云軻車軻續漢書輿服志後世聖人
觀於天視斗周旋魁方杓曲以攜龍角為帝車於是乃曲
其軻乘牛駕馬登險赴難周覽八極故易震乘乾謂之大

壯言器莫能
有上之者也

軻 籀文軻

軻 直軻車轡也從車具聲

居玉切

直軻車轡也者廣韻引車轡下有縛字篇海五音集韻並
同玉篇羣直軻轡縛也本書轡正作轡云車衡三束也曲
軻轡縛直軻轡縛馥謂直軻不當言轡縛 具聲者具當
為具具從日曰晷聲相近寫者誤曰為日韻會羣上轡也
本書具
共舉也

軻 車軻端持衡者從車元聲

魚厥切

車軻端持衡者者顏注急就篇衡者橫也橫木在馬頭上
者論語在輿則見其倚於衡也或作軻論語大車無軻小
車無軻其何以行之哉包注軻者軻端橫木以縛軻軻者
軻端上曲鈎衡戴君震非之曰韓非子外儲說墨子曰吾
不如為車軻者巧也用咫尺之木不費一朝之事而引三
十石之任按大車鬲以駕牛小車衡以駕馬軻端持鬲其

轅 或從金從獻

徐鍇曰爾雅鑣謂之鑣載轡謂之轅然則鑣與轅異疑此說文本脫誤馥案鑣當為轅之或體後人亂之

轅 馬內轡繫軾前者從車內聲詩曰洪以釁軼奴荅切

駢馬內轡繫軾前者者顏注急就篇同大戴禮盛德篇故

六官以為轡司會均人為軻盧辯注軻在軾前敏六轡

之餘通作納家語執轡篇司會均仁以為納注云納駢馬

轡轡繫軾前者荀子正論篇三公奉軻持納注云納與軻

同軻謂駢馬內軻繫軾前者詩曰洪以釁

軻者秦風小戎文彼作鑿箋云繫軻於軾前

衛 車搖也從車從行一曰衍省聲古絢切

一曰衍省聲者徐

鍇本作從衍省聲

輶 車後登也從車丞聲讀若易拊馬之拊署陵切

輶車後登也者廣韻輶輶車後登出字林集韻輶登車也徐鍇曰從後上也馥謂似乘石本書登上車也象登車形

徐廣車服儀制尚書
令輶車黑百後戶

載 乘也從車戔聲作代切

乘也者廣雅同釋名載在也
在其上也易大有大車以載

軍 圍也者廣雅軍圍也宣十二年左傳晉之餘師不能軍舉云切

杜注不能成營也周禮鄉師大軍旅會同正治其徒役與

其輦輦注去輦駕馬輦人輦行止以為藩營漢書衛青見

匈奴以武剛車自環為營四千人為軍者一切經音義

十八字林四千人為軍二千五百人為師字從勺勺音補

交反包車為軍而自為師皆字意也馥案四千人說與

周制漢法皆不合司馬法萬二千五百人為軍周禮夏官

敘官凡制軍萬有二千五百人為軍地官小司徒五人為

伍五伍為兩四兩為卒五卒為旅五旅為師五師為軍注

云兩二十五人卒百人旅五百人師二千五百人軍萬二

千五百人詩閟宮箋云萬二千五百人為軍漢舊儀千乘之國馬

晉作六軍杜注萬二千五百人為軍漢舊儀千乘之國馬

四千匹步卒三萬六千人為三軍大國也次國二軍小國一軍從包省者當從勺本書勺裹也五經文字古者以車戰故軍字從勺下車

執 出將有事於道必先告其神立壇四通樹茅以依神

為輶既祭輶輶於牲而行為範輶詩曰取紙以輶從

車及聲 蒲撥

出將有事於道必先告其神者廣雅輶祭也鄭注大馭云詩云載謀載惟取蕭祭脂取紙以輶詩家說曰將出祖道犯輶之祭也聘禮曰乃舍輶飲酒于其側禮家說亦謂道祭詩泉水飲饒于禰傳云祖而舍輶飲酒於其側曰饒重始有事於道也釋文舍輶道祭也正義輶祭則天子諸侯卿大夫皆於國外為之大馭云犯輶詩云取紙以輶聘禮云釋輶是也又名祖聘禮及詩云出祖是也又名道曾子問云道而出是也以其為犯輶祭道路之神為行道之始故一祭而三名也詩烝民仲山甫出祖箋云祖者將行犯輶之祭也昭七年左傳公將往夢襄公祖杜注祖祭道神

漢書景十三王傳祖於江陵北門顏注祖者送行之祭因響飲也易林輕車輶祖疾風暴起促亂祭器飛揚鼓舞明神降佑道無害寇四民月令祖道神也黃帝之子好遠游歿道路故祀以為道神以求道路之福風俗通謹按禮傳共工之子曰脩好遠游舟車所至足跡所遠靡不窮覽故祀以為祖神祖者徂也詩云韓侯出祖清酒百壺左氏傳襄公將適楚夢周公祖而遣之是其事也詩云吉日庚午漢家盛於午故以午祖也史記索隱云祖者行神行而祭之故曰祖也風俗通云其工氏之子曰脩好遠游故祀為祖神又崔浩云黃帝之子嫫祖好遠游而歿於道因以為行神亦不知其何據蓋見其謂之祖因為嫫祖非也據帝系及本紀皆言嫫祖黃帝妃無為行神之由也立壇四通樹茅以依神為輶者詩釋文引作出必告道神為壇而祭為輶後漢書吳祐傳後舉孝廉將行郡中為祖道而越壇其小史雍邱黃真歡語移時與結友而別注云祖道之禮封土為輶壇也史記索隱按今祭禮以輶壤土為壇於道側用黃紙或狗以其紙血釁左輪月令其祀行注云一行在廟門外之西為輶壇厚二寸廣五尺馥案獨斷作厚二尺此雖異於國門外之壇其禮同也樹茅者亦束茅表位之意即七祀行神之位也昭十八年左傳巡羣屏攝鄭

衆云束茅以為屏蔽祭神之處 既祭載轅於牲而行為
範轅者徐鍇本作既祭犯轅轅牲而行為範轅本書脫犯
字大馭掌馭玉路以祀及犯轅王自左馭馭下祝登受轡
犯轅遂驅之注云行山曰轅犯之者封土為山象以菩芻
棘柏為神主既祭之以車轅之而去喻無險難也杜子春
云轅謂祖道轅轅磔犬也聘禮記出祖釋轅祭酒脯乃飲
酒于其側注云祖始也既受聘享之禮行出國門止陳車
騎釋酒脯之奠於轅為行始也詩傳曰轅道祭也謂祭道
路之神春秋傳曰轅涉山川然則轅山行之名也道路以
險阻為難是以委土為山伏牲其上使者為轅祭酒脯祈
告也卿大夫處者於是餞之飲酒於其側禮畢乘車轅之
而遂行其牲犬羊可也周禮犬人凡祭祀供犬牲伏瘞亦
如之鄭司農云伏謂伏犬以王車轅之疏云此謂王將祭
而出國轅道之祭時即大馭所云者是也但轅祭之時犬
羊俱得故生民詩云取羝以載是以聘禮注云其用牲犬
羊可也是其兩用也通典隋制皇帝行幸親巡符則轅祭
其禮有司於國門外委土為山象設埋堦有司刻羊陳俎
豆駕將至委奠幣薦脯加羊饌埋於堦駕至太僕祭兩軹
及軹乃飲授爵遂轅轅土而行魏志周宣傳芻狗者祭神
之物故君始夢當得飲食也祭祀既訖則芻狗為車所轅

故中夢當墮車折脚也芻狗既車轅之後必載以為樵故
後夢憂失火也 詩曰取羝以載者大雅生民文傳云載
道祭也箋云至其時取蕭草與祭牲之脂藝之於行神之
位馨香既聞取紙羊之體以祭神正義云以載之所祭即
是七祀行神故言行神之位取
牲體以祭伏於轅上故言體也

軹 範轅也從車范省聲讀與犯同 音犯

範轅也者當為犯轅範犯聲相近
周禮大馭詩生民箋並言犯轅

轅 載高兒從車轅省聲 五葛切

轅下重文轅字
即此轅之或體

載高兒者廣韻轅車載高也魏都賦四
門轅轅景福殿賦反宇轅轅以高驪

轄 車轄也從車害聲 一曰轄鍵也 胡八切

一曰轄鍵也者本書鍵一曰車轄牽車軸耑鍵也顏注急
就篇轄豎貫軸頭制轂之鐵也釋名轄害也車之禁害也

詩閒關車之輦兮傳云閒關設輦也襄三十一年左傳巾車脂轄淮南人閒訓夫車之所以能轉千里者以其要在三寸之轄漢書陳遵傳遵嗜酒每大飲賓客滿堂輒關門取客車轄投井中雖有急終不得去字或作轄廣韻轄車軸頭鐵詩節南山惟周之氏箋云言為周之桎轄釋文轄又作轄孝經鈞命汝孝道者萬世之桎轄既夕記木館注云今文館為轄齊策轄擊摩車而相過高注轄轄闕也

轉也從車專聲

知戀切

考工記轂者以為利轉也管子戒篇我游猶軸轉斛史記蕭相國世家轉漕給軍漢書趙充國傳今大司農所轉穀至者足支萬人一歲倉貨殖傳轉轂百數顏注轉轂謂以車載物而逐利者運也者本書運送徙也廣雅運轉也詩祈父胡轉予于恤箋云轉移也文子轉輪而無窮象日月之運行楚辭九歎腸一夕而九運王注一夕九轉莊子逍遙遊海運則將徙于南冥司馬彪注運轉也定十五年公羊傳三卜之運也注云運轉也漢書趙充國傳絕轉道顏注轉道運糧之道也魏志陳羣傳轉運必見鈔載唐書吐蕃圍靈州德宗以

鄭克鈞為靈夏二州運糧使轉米時塞下

輪 委輸也從車俞聲

式朱切

委輸也者漢三輔有委輸官千乘郡有均輸官尚書郎主錢帛貢獻委輸周禮遺人凡賓客會同師役掌其道路之委積注云少曰委多曰積僖十三年左傳秦於是乎輸粟于晉襄九年傳輸積聚以貸傳遜曰輸者以車輦運其物以就民所居而貸之也襄三十一年傳不敢輸幣亦不敢暴露其輸之則君之府實也非薦陳之不敢輸也昭二十五年傳趙簡子令諸侯之大夫輸在粟哀二年傳齊人輸范氏粟公羊傳君子之為國也必有三年之委六韜牛馬所以轉輸糧也又云中人絕糧外不得輸管子大匡篇三十里置遠委焉注云委謂當有儲擬以供過者孫子軍無委積則亡又云國之貧於師者遠輸遠輸則百姓貧魏策道里近而輸又易矣鮑云輸以餉軍鄒陽上吳王書轉粟擅為轉粟運輸漢書食貨志武帝置平準都受天下委輸韓安國傳轉粟輓輸以為之備王尊傳護送軍糧委輸而羌人反絕轉道顏注絕轉運之道匈奴傳轉委輸於邊又

云轉輸之行起於負海東觀漢記道路斷隔委輸不至又
云會屬縣送委輸數百臧宮鋸斷城門限令車周轉出入
又云耿弇曰吾深入敵城後無轉輸旬月之閒不戰而困
後漢書干乘貞王伉傳詔以樂安國土卑溼租委鮮溥注
云委謂委輸也張純傳部督委輸注云委輸轉運也獻帝
春秋州郡各擁強兵而委輸不至晉書文帝紀吾以游兵
輕騎絕其轉輸司馬彪戰畧坐倉積穀士不運輸九章算
術今有程傳委輸空車日行七十里重車日行五十里令
載太倉粟
輪上林

輜 重也從車周聲 職流切

重也者字林同集韻輜車前重也玉篇輜重載也既夕記
志矢一乘軒輜中注云輜輜也凡為矢前重後輕廣雅輜
低也考工記廬人車不
反覆注云反覆猶軒輜

非 車若軍發車百兩為輩從車非聲 補妹切

若軍發車百兩為輩者集韻類篇引及李燾本復古編輩
上並有一字六韜五車一長十車一吏五十車一率百車

輶 輶也從車乙聲 烏轄切

輶也者史記索隱引同通俗文車輶曰輶三蒼輶輶也漢
書刑法志鯁鯁常恐天下之一合而其輶已也張晏曰輶
踐輶也匈奴傳罪小者輶大者死顏注謂輶輶
其骨節若今之厭蹠也 乙聲者乙鳥之乙

輶 輶也從車良聲 尼展切

輶也者史記索隱一切經音義十一引竝同蒼頡篇輶車
行處也集韻輶轉輪治穀也廣韻輶車輶物或作輶張景
陽七命越奔沙輶流霜又作履通俗文石輶輶穀曰履又
作輶西京賦當見輶葑注足所踐為輶又作輶韓詩外傳
昔有宋之桓司馬其馬佚而
輶吾園 良聲者當為良聲

輶 車所踐也從車樂聲 郎擊切

車所踐也者李善注七啟一切經音義九引竝同蒼頡篇
輶輶也本書輶輶也史記司馬相如傳觀徒車之所輶輶

正義麟踐也。轆轤也。漢書灌夫傳。轆轤宗室。顏法。轆轤謂
蹈踐之也。說苑。駮謂其御曰。子今不正。轡銜使馬卒然驚。
妄轆道中。行人西京賦。值輪被轆。晉書。閻纘傳。趙王倫。歿
既。蔡纘以車轆其家。通作。櫟史記。楚元王世家。嫂詳為羹。
盡櫟釜。漢書作。轆。服虔曰。轆。轆。
也。顏注以。勻。轆。釜。令為聲也。

軌 車微也。從車九聲。居消切。

戴君震曰。軌有苦葉二章。傳由軌。以上為軌。震案。詩以軌與
杜韻當為車轍之軌。古音讀如九。毛詩。蓋譌作軌。遂以車軌
前之軌。解之。軌讀如范。不與杜協釋文。又有車軌頭之說。穀
未名。軒軸未名。軌。周禮。大馭祭兩軒。禮記。少儀。篇作祭。左右
軌。軌乃軒之譌。杜子春。改大馭之軒為軌。蓋穀未名。軒者。漢
人通譌作軌。遂改軒以從之。於是經書字書。不復有軒字。而
穀未與。轆之。植者。衡者。並名。軌矣。一車之中。二名。溷淆。穀未
軸末。又溷而同名。軌。軌。軌三字。更轉。寫互。譌此。釋文。車軌頭
之說。所由起。軒從車。开聲。讀如。筭。穀未也。軌從車。只聲。軌內
之。輪也。軌從車。九聲。車轍也。軌從車。凡聲。車軌前也。經傳中
譌文。相承。當各詳審。正之。王君念孫曰。詩。濟盈。不濡軌。釋文。
軌。舊龜。美反。謂車軌頭也。依傳。意宜。音犯。按說文。云。軌。車微。

也。從車九聲。龜美反。軌。車軌前也。從車凡聲。音犯。車軌頭所
謂軌也。相亂。故具論之。李成裕云。按毛傳。由軌。以上為軌。陸
所謂。依傳。意宜。音犯也。又引說文。以為軌。是車轍。軌是車軌。
前。又云。車軌頭。所謂軌也。相亂。故具論之。其說未明。不知軌
字。自有二義。其訓為車轍者。中庸。車同軌。是也。其訓為車軌
頭者。則少儀。之祭。左右軌。范是也。軌。范。並言。則顯然。兩物矣。
少儀注云。周禮。大馭。祭兩軌。祭軌。軌與軌。於事。同。謂。軌頭也。
軌與范。聲同。謂。軌前也。正義云。軌。謂。穀未。周禮。大馭。祭兩軌。
祭軌。此云。祭。左右軌。范。兩文。正同。則。左右軌。與。兩軌。是一事。
故云。軌。與。軌。於事。同。謂。軌頭也。正義又云。穀未。之軌。此。經。左
右。軌。是也。車轍。亦。謂。之。軌。則。考。工。記。經。涂。九。軌。是。與。此。字。同。
而。事。異。也。又。周。禮。大。馭。疏。云。軌。即。穀。未。此。云。軌。少。儀。云。軌。軌。
與。車。轍。之。軌。同。名。云。去。合。兩。處。觀。之。是。車。軌。頭。謂。之。軌。又。謂。
之。軌。轉。頭。在。軌。之。下。車。之。濟。盈。必。濡。其。軌。頭。不。必。作。軌。也。且。
以。古。音。言。之。軌。居。酉。反。牡。莫。九。反。此。章。濶。躄。盈。鳴。軌。牡。用。韻。
甚。密。若。軌。字。作。軌。則。出。韻。矣。無。是。理。也。此。處。訓。詁。當。用。鄭。軌。
頭。之。說。為。確。集。傳。讀。軌。作。九。音。最。是。但。訓。軌。為。轍。轍。非。車。上。
之。物。則。不。可。以。言。濡。矣。念。孫。按。此。說。能。正。唐。以後。傳。註。相。沿。
之。誤。又。按。毛。傳。云。由。軌。以上。為。軌。據。正義。以。此。軌。字。為。軌。文。
傾。軌。軌。字。樹。御。疏。本。誤。承。鄭。箋。云。渡。深。水。者。必。濡。其。軌。兩。軌。

深也 從省聲者 廣雅輓迹也不省

輓

車相出也從車失聲

夷質切

車相出也者三蒼輓從後出前也楚辭九歎軼迅風於清源王注軼從後出前也徐鍇韻譜軼車過玉篇軼車相過也漢書司馬相如傳軼野馬張揖曰軼過也

輓

車輓也從車真聲讀若論語鏗爾舍瑟而作又讀

若擊

苦閑切

車輓也者集韻引作車輓也徐鍇本作車輓也廣韻輓車聲

輓

抵也從車輓聲

陟利切

抵也者徐鍇韻譜作低也錯繫傳云潘岳曰如輓如軒軒舉也是徐鍇本作低今亦作抵者後人據本書而改也儀禮釋文引字林輓輓也玉篇輓與輓同前頓曰輓後頓曰軒廣韻輓與輓同車前重也通俗文後輕曰軒前重曰輓

詩六月戎車既安如輓如軒傳云輓擊箋云戎車之安從後視之如輓從前視之如軒然後適調也既夕記志矢一乘軒輓中注云軒輓猶軒輓中適中也釋文作輓云字林竹二反馥案集韻輓車重也淮南人間訓道者置之前而不輓錯之後而不軒後漢書馬援傳夫居前不能令人輓居後不能令人軒注云言為人無所輕重也字或作輓射雅賦如輓如軒李善云毛詩曰如輓如軒輓與輓同通作擊考工記輓人大車平地既節軒擊之任又云今夫大車之輓擊注云擊輓也

輓

車戾也從車匿聲

巨玉切

車戾也者集韻車戾謂之輓輓經輪也廣雅輓輓也通作匡考工記輪人察其筓蚤不齟則輪雖敝不匡注云筓與爪不相侷乃後輪敝盡不匡刺也鄭司農云匡枉也又云萬之以眠其匡也注云輪中萬筓則不匡刺也

輓

車小缺復合者從車發聲

陟劣切

車小缺復合者者本書茜以草補缺也或以為綴馥謂輓綴意同

輶也從車多聲康禮切

礙也者廣雅同

輶車輶相擊也從車從輶輶亦聲周禮曰舟輿輶互者

古歷切

車輶相擊也者輶擊聲相近昭八年穀梁傳流旁握御輶者不得入注云流旁握謂車兩輶頭各去門邊空握握四寸也輶挂則不得入門詩車攻傳云驅而入輶則不得入輶亦輶者當為輶聲周禮曰舟輿輶互者者秋官野廬氏文彼云凡道路之舟車輶互者敘而行之

輶車治車軸也從車輶聲所眷切

治車軸也者玉篇輶輶車軸也通作鑣玉篇鑣圓輶輶也車工使軸轉於刃上不規自圓也

輶接輶車也從車可聲康我切

聖證論孟輶字子車

接輶車也者一切經音義六引作接輶也徐鍇韻譜輶接輶增韻輶輶車接輶

輶車車堅也從車殼聲口莖切

車堅也者廣韻輶車輶又車堅牢馥案輶即堅牢兩訓義同當有誤廣雅輶輶也一切經音義四說文輶堅也廣雅輶輶然堅也馥謂輶即輶之誤文輶乃輶之或體或作輶玉篇輶口莖切車輶

輶反推車令有所付也從車從付讀若昔而隴切

反推車令有所付也者輶付聲相近徐鍇繫傳引春秋後語牽受推輶儀不如秦也蒼頡篇推輶也易乾坤鑿度坤大輶庖義氏曰坤輶於乾讀若昔者小字本李燾本徐鍇本竝作胥誤也廣韻輶推車或作措漢書馮奉世傳再三發輶如高曰輶推也音而隴反淮南汜論訓相戲以刃者太祖輶其肘高注輶推也輶讀若昔急察言之又覽冥訓輶車奉饗高注輶推也輶讀若昔之輶馥案輶為措之誤本書措推擣也當云讀若措拊之措

輪有輻曰輪無輻曰軫從車侖聲力屯切

考工記察車自輪始續漢書輿服志上古聖人見轉蓬始知為輪顏注急就篇輪總謂輻鼓夷輞也釋名輪綸也言彌綸也周

有輻曰輪無輻曰軫者鄭注既夕記雜記兩引並同本書輻輪輹也考工記輻也者以為直指也言輪中木以指輞

軫市緣切蕃車下庫輪也一日無輻也從車全聲讀若饌市緣切蕃車下庫輪也者徐鍇本作藩五經文字軫屋車下卑輪也馥案周禮遂師屨車人輓之以行凡輓車皆用軫中車輦車組輓注云為軫輪人輓之以行既夕記注云其車之輦狀如牀中央有軾前後出設前後輅輦上有四周下則前後有軸以軾為輪許叔重說有輻曰輪無輻曰軾馥案前後有軸則四軾矣東京賦所謂重輪也今大河南北有無輻車四輪其輪無輻而庫軾車有後軾後輅是有人推之雜記注軾崇蓋半乘車之輪正義云考工記乘車之輪六尺有六寸今云半之得三尺三寸也一日無輻也者本書無輻曰軾徐鍇曰無輻謂直所水為之若椎輪乎

讀若饌者雜記載以輪車注云輪讀為軾或作搏許氏說文解字曰有輻曰輪無輻曰軾周禮又有屨車天子以載軾屨軾聲相近其制同乎喪大記大夫葬用輶士葬用國車注云輶當為載以軾車之軾聲之誤也軾字或作團是以文誤為國軾車軾車也既夕記遂匠納車于階閒注云車載軾車周禮謂之屨車雜記謂之團或作軾或作搏聲讀皆相附耳未聞孰正

輶大車輶箭持衡者從車兒聲五雞切

大車輶箭持衡者者戴侗曰輶端橫木即衡也輶乃持衡者廣雅輶謂之輶馥案輶即墨子所謂咫尺之木太元閑次三關無鍵盜入門也拔我輶輶貴以信也論語大車無輶小車無軌其何以行之哉皇侃疏引鄭注輶穿輶端著之輶因輶端著之

輶輶或從宐輶又從木

徐鍇本無輓視二文
張次立據本書補之

輓 大車後也從車氏聲丁禮切

大車後也者集韻輓展几切大車後至又陳尼切車兩尾也

輓 大車輦也從車秦聲讀若臻側誥切

大車輦也者類篇又將先切輓大車輦

輓 淮陽名車穹隆輓從車賁聲符分切

淮陽名車穹隆輓者集韻引輓上有為字釋名隆強言體隆而強也或曰車弓似弓曲也又云弓穹也張之穹隆然也考工記輪人為蓋信其程圍以為部廣鄭司農云部蓋斗也疏云此言蓋之斗四面鑿孔內蓋弓者於上部高隆穹然謂之為部字或作輓集韻輓車上篷也廣雅輓籠輓也方言車枸輓宋魏陳楚之間或謂之輓籠

輓 大車後壓也從車宛聲於云切

大車後壓也者玉篇作車後獸也御覽引作大車後掩也集韻引作大車後屬也

輓 大車駕馬也從車共聲居玉切

大車駕馬也者史記淮南厲王傳以輓車四十乘反谷口徐廣曰大車駕馬曰輓楚詞七諫驥躊躇於弊輓兮洪注輓大車駕馬方言輓載也注云輓輿亦載物者也周禮鄉師大軍旅會同正治其徒役與其輓輓注云輓駕馬輓人輓行所以載任器也襄九年左傳陳畚揭杜注揭土舉釋文作輓九錄反

輓 連車也一日卻車抵堂為輓從車省聲讀若遲士皆切

連車也者通鑑劉勳遣申元德擊戚趙懷仁獲連車千三百乘一日卻車抵堂者東京賦於是皇輿夙駕輓於東階薛注輓之言卻也謂卻於東階下天子未乘之時也

夫 輓車也從車從夫在車前引之力展

竹書紀年帝癸十三年初作輦 司馬法夏后氏謂輦曰余
車殷曰胡奴車周曰輜輦 周禮巾車輦車有翼羽蓋注云
有翼所以禦風塵以羽作小蓋為翳曰也 莊十二年左傳
南宮萬以乘車輦其母注云駕人曰輦定六年傳公叔文子
老矣輦而如公 通典夏氏末代制輦秦為人君之乘漢因
之以彫玉為之方徑六尺或使人輓或駕果下馬 一切經
音義六古者卿大夫亦乘輦自漢以來天子乘之 南齊書
輿服志漢書叔孫通傳云皇帝輦出房成帝輦過後宮此朝
宴並用也 宋書鄧琬傳琬子勛所乘車除脚以為輦又索
虜傳或乘小輦手自執劔擊擔輦人腦又禮志輦車周禮王
后五路之卑者也后宮中從容所乘非王車也漢制乘輿御
之或使人輓或駕果下馬漢成帝欲與班婕妤同輦是也後
漢陰就外戚驕貴亦輦并丹譏之曰昔桀乘人車豈此邪然
則輦夏后氏末代所造也并丹譏陰就乘人而不云僭上豈
貴臣亦得乘之乎未知何代去其輪 左傳正義云司馬法
曰輦一斧一斤一鑿一裡一鋤周加二版二築夏后氏二十
人而輦殷十八人而輦周十五人而輦說者以為夏出師不
踰時殷踰時周歷時故前世輦少而後世輦多 易往蹇來
連虞翻曰連輦馥案周禮鄉師輦輦注云故書輦為連管予
立政篇不敢畜連乘車海王篇行服連輅輦皆謂輦也輦連

輦相近蓮勺 亦作輦勺

輓車也者一切經音義二十二輦人輓車也釋名輦車人
所輦也書武成王朝步自周黃公紹曰輦行也後世稱輦
曰步輦謂人荷而行不駕馬詩黍苗我任我輦箋云有輓
輦者車攻徒御不驚傳云徒輦也釋訓徒御不驚輦者也
郭注步挽輦車周禮鄉師大軍旅會同正治其徒役與其
輦輦注云輦人輓行巾車輦車組輓注云輦車后居宮中
從容所乘為輗輪人挽之以行襄十年左傳輦重如役杜
注挽重車以從師成五年傳伯宗辟重人曰待我不如
捷之速也馥謂重人挽以行宣十二年傳楚重至於邲注
云重輜重也正義輜重載物之車也蔽前後以載物謂之
輜車載物必重謂之重車人挽以行謂之輦輜重輦一物
也荀子大畧篇諸侯輦輿就馬注云輦謂人挽車漢書貨
殖傳夫妻推輦行顏注步車曰輦後漢書光武紀葆車輿
輦注云輦者駕人以行寇恂傳恂以輦車驅駕轉輪前後
不絕注云前書音義曰輦車人挽行也班固傳乘茵步輦
注云駕人曰輦文士傳魏太祖乘步輦牽車乘城晉書山濤
傳詔步輦從北史崔光傳詔乘步輦挽於雲龍門出入隋書
禮儀志輦漢成帝游後庭則乘之徐爰釋問云天子御輦

侍中陪乘今輦制象輅車而不施輪通憶朱絡飾以金玉
用人荷之通鑑李綱有足疾上賜以步輿注云步輿卽步
挽輿也又云元魏蒼三老五更賜以步挽車又云斛律金
每朝見常聽乘步挽車至階注云步挽車不用牛馬令人
步挽之從扶者本書扶茲行也 在車
前引之者一切經音義六引作人引之

輓

引之也者一切經音義十四引作引車也御覽同廣韻輓

輓車也廣雅輓引也襄十四年左傳或輓之或推之注云

前牽曰輓史記劉敬傳婁敬脫輓輅索隱云輓者牽也漢
書韓安國傳轉粟輓輪以爲之備顏注輓引車也東觀漢
記江革母年八十革常自居輓輅車
不用牛馬通作挽小爾雅挽引也

輓

紡車也一曰一輪車從車坐聲讀若狂

巨王切

紡車也者廣雅輓謂之管集韻軒經輪也

輓

車裂人也從車輓聲春秋傳曰輓諸栗門

胡憺切

車裂人也者本書斬法車裂也釋名車裂曰輓輓散也肢
體分散也周禮條狼氏誓馭曰車輓注云車輓謂車裂也
桓十八年左傳齊人殺子亶而輓高梁彌杜注車裂曰輓
襄二十二年傳輓觀起於四竟杜注輓車裂以徇鶡冠子
王鈇篇其軫令尹以徇陸佃注軫車裂也周官日輓軫孔
叢子齊王行車裂之刑說苑秦始皇取嫪毒四支車裂之
後漢書宦者呂強傳未械輓裂之誅注云輓裂以車裂也
崔鴻西秦錄熾盆遣弟智達追擒公府於嶮岷山南輓裂
之前秦錄有司奏人有盜其母之錢而逃者太后怒輓而
殺之又云池陽民或其婦言而欲殺母苻堅輓而殺之前
涼錄武威姑臧民以女爲妻令於姑臧市輓殺之通鑑南
燕主超增置烹輓之法注云輓車裂也 春秋傳曰輓諸
栗門者宣十一年左傳文杜注輓車裂也

輓

截也從車從斤斬法車裂也

側滅切

截也者本書截斷也釋名所頭曰斬斬腰曰腰斬斬暫也
暫加兵卽斷也釋詁斬殺也周禮掌戮掌斬殺賊謀而搏
之注云斬以斧鉞若今要斬也魯語其次用斧鉞注斧
鉞軍器也書曰後至者斬 從車從斤者晉書易雄傳昨

夜夢乘車挂因其旁夫因必有筋筋者斤也車旁有斤吾其戮乎 斬法車裂也者廣雅斬裂也

輶

喪車也從車而聲切如之

喪車也者李善注寡婦賦引同廣雅輶喪車也漢書王莽傳百官竊言此似輶車非僂物也顏注輶車載喪車晉文明王皇后哀策文靈輶夙駕字或作輶釋名輿棺之車曰輶輶目也縣於左右前後銅魚搖絞之屬有百然也東觀漢記梁商薨賜東園輶車曹植王仲宣誄靈輶回軌五臣云輶喪車也晉武帝賜劉廙葬錢詔曰其給輶車陸機輓詩啟殯送靈輶循喪服要記將祖納輶車晉畧桓元小會於西堂殿施絳綾帳鏤黃金龍銜五色羽葆流蘇羣臣竊相語曰此頗似輶車宋書張邵傳邵臨終遺命葦席為輶車北史刁冲傳輶車止用白布為幔不加畫飾名為清素車杜祭酒別傳當其終凶帛布輶車喪儀儉約通鑑梁邵陵王綸作新棺意以輶車挽歌為送葬之法注云輶音而喪車也

輶

人頰車也從車甫聲切扶兩

人頰車也者徐鍇本云春秋傳曰輶車相依從車甫聲人頰車也韻會引作人頰骨也從車甫聲春秋傳曰輶車相依廣雅輶輶頰也釋名輶車言其骨強所以輶持口也或曰身車身所載也或曰頰車頰含也口含物之車也或曰頰車亦所以載物也或曰輶車輶鼠之倉積於頰人會似之故取名也凡繫於車皆取在下載上物也易咸卦咸其輔夾舌馬曰輔上頰也釋文輔虞作輔頰卦自來口實鄭注頰口中車輔之名也詩頰人巧笑倩兮傳云倩好口輔正義云左傳曰輔車相依服虔去輔上頰車也與身相依則是身外之皮膚頰下之別名也故易云咸其輔頰舌明輔近頰也而非頰也宋書顧覲之傳代為唇齒遞成輔車離騷歷輔奇身宜笑嗎洛神賦歷輔承權南齊書顧歡傳經云戎氣強獷乃復畧人頰車耶借為車器之名詩正月其車既載乃棄爾輔正義輔是可解脫之物蓋如今人縛杖於輶以防輔車也徐鍇本春秋傳曰輶車相依者僖五年左傳交彼云諺所謂輔車相依唇亡齒寒者其虞號之謂也杜注輶頰輶車身車正義身車牙下骨之名也頰之與輔口旁肌之名也蓋輶車一處分為二名耳輶為外表車是內骨故云相依也韓非十過篇夫虞之有號也如車之有輔輶依車車亦依輔林堯叟云言虞如身車如齒

在裏號如輔頰如唇在表二者相須以生去一不可願炎武曰此二句一意乃是諺語呂氏春秋權勳篇宮之奇諫曰虞之有號也若車之有輔也車依輔輔亦依車虞號之勢是也注車身也輔頰也身車字出素問馥案玉篇輔下引左氏傳輔車相依本書輔頰也

車轉 羣車聲也從三車呼宏切

羣車聲也者一切經音義十二引作轟轟羣車聲玉篇轟與鞫同車聲史記蘇秦傳鞫鞫殷殷

文九十九 重八

輻 車之做也

顏注漢書景帝紀引

遺文一

說文解字第十四 義證第四十七

曲阜桂馥學

自 小自也象形凡自之屬皆從自

都回切

小自也者一切經音義六自高土也玉篇自小塊也或作堆漢書司馬相如傳激堆琦顏注堆高阜也長安圖高望堆在延興門南八里梁州記南鄭城沂漢上五十里水邊有漢武堆漢武嘗游此以為釣臺後人觀其崇基謂之漢武堆又或作培益州記青衣神號為雲培班固以為離培北齊藥方碑鬼織形如地菌多生糞培又或作埤魏志武帝紀依沙埤為屯通作追士冠禮毋追夏后氏之道也注云毋發聲也追猶堆也夏后氏質以其形名之文選七發踰岸出追李善云追亦堆字

𡵓 危高也從自𡵓聲讀若臬

魚列切

危高也者本書隍危也玉篇𡵓高危也廣韻嶸𡵓高兒

官 吏事君也從山從自自猶眾也此與師同意 古丸切

吏事君也者本書臣下云事君也事下云職也馥謂百官百職事也楚語千品萬官釋詁察官也從山者與宰官同意玉藻在官不俟履注云官謂朝廷治事處也自猶眾也此與師同意者本書師下云自眾意也

文三

阜 大陸山無石者象形凡阜之屬皆從阜 房九切

大陸山無石者廣雅無石曰阜釋名土山曰阜阜厚也言高厚也地圖土山曰阜阜高厚也周語所以阜財用賈注阜厚也蒼頡篇阜山庫而大也釋地高平曰陸大陸曰阜大阜曰陵李巡曰高平謂土地豐正名為陸大陸謂土地高大名曰阜阜最高大為陵風俗通山澤篇春秋左氏傳魯公伯禽宅曲阜之地阜者茂也言平地隆踊不屬於山陵也今曲阜在魯城中委曲長七八里雖北苾坂即為阜也詩天保如山如阜傳云大陸曰阜齊語陸阜陵瑾韋注高平曰陸大陸曰阜大阜曰陵漢書鼂錯傳經川邱阜顏注大陸曰阜楚詞九歎阜隘狹而幽險兮王注大陸曰

阜馥謂陵當為陸

古文

𡵓 大阜也從阜交聲 力膺切

釋地東陵汎南陵息慎西陵威夷中陵朱滕北陵西喻雁門是也陵莫大於加陵 御覽引春秋說題辭陵之為言陵也輔山成其廣層稜扶推益厥長也 潛夫論慎微篇凡山陵之高非削而成崛起也必步增而稍上焉 通作交宋書謝靈運傳交岡上而喬竦

大阜也者釋名大阜曰陵陵隆也體高隆也詩吉日升彼大阜天保如岡如陵鄭注周禮大司徒云大阜曰陵僖三十二年左傳殺有二陵焉襄二十五年傳辨京陵杜注竝云大阜曰陵昭十二年傳有肉如陵杜注陵大阜也漢書司馬相如傳阜陵別陽顏注大阜曰陵韓壽云積土高大曰阜大阜曰陵樓觀本紀尹喜宅在南山阜上昔老君於此登山時人號曰老子陵非墳墓也爾雅曰大陸曰阜大阜曰陵此之謂也

大阜也從阜鯨聲 胡木切

地理也從阜力聲 盧則切

地理也者本書初木之理也泐水石之理也元象水至理之長至水脈也玉篇防地脈理易繫辭俯以察於地理正義云地有山川原隰各有條理故稱理也詩信南山我疆我理傳云理分地理也考工記匠人凡溝逆地防謂之不血氣和筋脈之流通者也魏策前脈地形之險阻波利害之備論衡書解篇上天多文而后土多理尚書考靈曜通天文者明審地理者昌謝承後漢書汝南許陽曉水地脈春秋元命苞神農世怪義生白阜圖地形脈道注云怪義白阜之母名也白阜為神農圖地形通水道之脈使不擁塞也尚書荆德放禹長於地理得括地象圖史記蒙恬傳恬罪固當外矣起臨洮屬之遼東城塹萬餘里此其中不能無絕地脈哉此乃恬之罪也漢書溝洫志賈讓奏昔大禹治水山陵當路者毀之故鑿龍門辟伊闕析瓜柱破碣石墮斷天地之性天文志中國山川東北流其維首在隴蜀尾沒于勃海碣石禹貢導山馬融以為三條導岍為北

條西傾為中條嶓冢為南條鄭康成以為四列導岍為陰列西傾為次陰列嶓冢為次陽列岷山為正陽列蘇軾書傳隨山者隨其地脈而究其終始何謂地脈地之有山猶人之有脈也有近而不相連者有遠而相屬者雖江湖不能絕也自秦蒙恬始言地脈而班固馬融王肅治尚書皆有二條之說古之達者蓋已知此矣

陰 閩也水之南山之北也從自會聲 於今切

釋名陰蔭也氣在內奧蔭也 詩公劉相其陰陽 昭元年左傳趙孟視蔭杜注蔭日景也釋文云蔭本亦作陰

閩也者廣雅同書高宗梁閩論語作諒陰魯世家作亮陰水之南山之北也者徐錯曰陰山北水南日所不及玉

篇陰影也水南山北也書禹貢至于岳陽傳云山南曰陽周禮柞氏疏引爾雅山南曰陽山北曰陰爾雅無此文春

秋僖二十八年天王狩于河陽杜注云晉地穀梁傳水北為陽山南為陽溫河陽也范云日之所照曰陽成十六年

左傳楚子以汝陰之田求成於鄭杜注汝水之南桓十六年公羊傳越在岱陰齊何云山北曰陰僖二十二年傳戰

於泃之陽何云水北曰陽南山經其陽多赤金其陰多白金注云山南為陽山北為陰呂氏春秋行論篇夫舍諸侯

於漢陽注云水北曰陽三輔黃圖咸陽在九峻山渭水北
山水俱在南故名咸陽詩渭陽釋文云水北曰陽在南山
之陽傳云山南曰陽元和郡縣志咸陽縣下云山南曰陽
水北曰陽縣在北山之南渭水之北故曰咸陽又云漢濟
陰郡在濟水之南故以為名寰宇記孟州河陰縣因在河
之南故立河陰縣焉容齋四筆山南為陽水北為陽穀梁
傳之語也若山北水南則為陰故郡縣及地名多用之今
畧敘於此山之南者如嵩陽華陽恒陽衡陽鎮陽岳陽嶧
陽夏陽城陽陵陽岐陽首陽營陽成陽櫟陽宜陽山陽
內鄉汝廣陽辟陽河陽魯陽黎陽樅陽零陽巫陽東陽韶
陽柳陽揭陽弋陽礪陽西曲陽當陽青陽黔陽壽陽麻陽
雲陽美陽復陽崑陽之陽上曲陽常下曲陽虜陽鍾陽
原陽陽幅雲水之北者馮翊之池陽頻陽郃陽沈陽扶風
之杜陽河東之大陽太陽平陽潁陽太原之晉陽汾陽及
河陽洛陽滎陽偃陽滑陽淮陽汝陽濟陽襄陽滎陽漁陽
遼陽泗陽伊陽永陽滁陽潮陽豐陽灌陽汧陽洮陽洮陽
東郡之濮陽東武陽潁川之潁陽昆陽舞陽汝南之汝陽
銅陽紬陽濯陽滇陽新陽安陽博陽成陽南陽之育陽涅
陽堵陽蔡陽筑陽棘陽比陽朝陽湖陽紅陽江夏之西陽
廬江之尋陽九江之曲陽濟陰之句陽灑之鉤鉤沛郡之穀

陽扶陽漂陽魏郡之繁陽鉅鹿之堂陽清河之清陽涿郡
之高陽饒陽范陽勃海之浮陽濟南之般陽朝陽泰山之
東平陽東武陽寧陽北海之膠陽東海之開陽曲陽都陽
臨淮之射陽蘭陽丹陽之丹陽陵陽溧陽豫章之鄱陽鄒
陽桂陽之耒陽桂陽滇陽武陵之無陽辰陽酉陽零陽零
陵之洮陽漢中之旬陽沔陽安陽犍為之江陽武陽漢陽
金城之枝陽天水之略陽阿陽安定之涇陽彭陽北地之
泥陽上郡之定陽鴈門之沃陽劇陽上谷之沮陽漁陽之
要陽遼西之海陽右北平之夕陽羣陽蒼梧之封陽趙國
之易陽膠東之觀陽長沙之益陽已上皆見漢書地理志
其水之下必曰在某水之陽合山水之稱陽者百有五六
十至陰字則甚少益面勢在背自難立國邑巨山之北者
唯華陰山陰龜陰蒙陰鶉陰雕陰襄陰水之南者汾陰蕩
陰潁陰汝陰舞陰濟陰漢陰晉陰蒲陰湘陰潑陰河陰湖
陰江陰淮陰園
陰僅三十而已

陽 高明也從自易聲 與章切

高明也者對陰言也陰闇也釋名陽揚也氣在外發揚也
又云明陽也又云邱高曰陽邱體高近陽也詩七月我朱

孔陽傳云陽明也又度其夕陽又梧桐生矣于彼朝陽文
四年左傳天子當陽白虎通號篇高陽者陽猶明也道德
高明也

陸 高平地從自從壘壘亦聲 力竹切

高平地者地當為也釋者一曰高平一曰廣平釋名高平
曰陸陸漉也水流漉而去也易漸卦鴻漸於陸馬云山上
高平曰陸詩天保傳云高平曰陸穆天子傳爰有陵衍平
陸郭注大阜曰陵高平曰陸漢書石奮傳閒者河水滔陸
顏注高平曰陸此皆主高平言之徐鍇韻譜陸廣平書禹
貢正義引爾雅廣平曰陸定元年左傳田於大陸杜注引
爾雅廣平曰陸史記司馬相如傳散渙夷陸索隱引司馬
彪曰廣平曰陸此皆主廣平言之釋地廣平曰原高平曰
陸禹貢既修太原傳云高平曰太原本書遼高平之野是
原為高平也釋地又云晉有大陸郭注今鉅鹿北廣河澤
是也禹貢大陸既作正義云但廣而平者則名大陸孔氏
明言廣平是陸為廣平也本書遼訓高平則陸當為廣平
今作高平者後人改之也漢縣有名陵者王莽皆改曰陸
如湖陵曰湖陸遷陵曰遷陸江陵曰江陸陰陵曰陰陸慎

陵曰慎陸猛陵曰猛陸以陸與陵異故易其舊名也陵
高而不平陸廣平故異於陵也 壘亦聲者當為壘聲

阿 籀文陸

本書先籀
文作

阿 大陵也一曰曲阜也從自可聲 烏何切

史記黃帝紀而邑於涿鹿之阿正義云廣平曰阿鹽鐵論險
固篇晉有河華九阿而奪於六卿樂資春秋傳阿旁宮未成
成之更欲擇令名名之作宮

阿旁故天下謂之阿旁宮
大陵也者釋地大陵曰阿詩菁菁者莪在彼中阿傳云大
陵曰阿皇矣我陵我阿箋云大陵曰阿阿謂山曲隈處廣雅曲京

一切經音義一韓詩曲京曰阿阿謂山曲隈處廣雅曲京
曰阿詩考槃在阿傳云曲陵曰阿穆天子傳天子西征昇
九阿馥案水經注謂之九曲云其地千里有九坂之曲阿有

繇蠻止于邱阿傳云邱阿曲阿也箋云止於邱之曲阿有
卷者阿飄風自南傳云猶飄風之入曲阿箋云大陵曰阿
有大陵卷然而曲漢書司馬相如傳順阿而下顏注曲陵

曰阿地理志會稽郡有曲阿縣董覽吳地志曲阿秦時名雲陽太史云東南有天子氣在雲陽之間故鑿北岡令曲而阿因名曲阿

阪

阪也一曰沱也從自皮聲彼為切

阪也者字林同漢書馮奉世傳前軍到降同阪顏注阪平阪也考工記輪已庫則於馬終古登陴也鄭注陴阪也馥案陴即陴所謂陴陴一曰沱也者初學記引本書沱陴也今沱下無此文玉篇陴池也廣雅陴池也一切經音義十陴山東名為樂亦名昉初學記引風俗通孫子有金城湯池之說後人因此開地為池以養魚鼈泰誓惟宮室臺榭陴池侈服西都賦陴池交屬月令毋漉陴池注云畜水曰陴穿地通水曰池史記灌夫傳陴池田園漢書貨殖傳水居千石魚波顏注波讀曰陴言有大陴養魚

阪

坡者曰阪一曰澤障一曰山脅也從自反聲府遠切

本書隴天水大阪也 易說卦其於稼也為反生虞本作阪云隴阪也 文十六年左傳楚人謀徙於阪高 穆天子傳

昇於長松之阪

淮南齊俗訓陵阪耕田

史記范雎傳右

隴蜀左關阪

或作坂漢書文帝紀帝從灞陵欲西馳下峻

坂續漢書郡國志河東大陽有顛輪坂古今地名顛輪坂在

鹽池蜀志先主傳及於當陽之長坂帝王世紀舜都蒲坂晉

太康地記常山上曲陽縣有恆山坡號飛狐口壺關縣有羊

腸坂新序雜事篇趙簡子上羊腸之坂羣臣皆偏袒推車水

經注云河水東逕旋門坂北今成皋西大坂者也戴延之西

征記黃坂去終南六十里少華山西述征記黃卷坂者傍絕

謂西阻九阿者也任豫益用記汶江水源出玉輪坂下

坡者曰阪者釋地文城彼作陴郭注陴陴不平本書坡阪

也徐鍇本作陴也玉篇陴陴也詩車鄰陴有漆傳云陴者

曰陴鄭注樂記陴傾也史記司馬相如傳登陴陴之長陴

後漢書徐縣北界有蒲陽陴東觀漢記作蒲楊坡太平御

覽引之云坡與陴同西京記澹水西岸有坂舊名澹水坂

隋文帝惡坂之名改名長樂坡 一曰澤障者障當為障

通行障字玉篇陴澤障也書禹貢九澤既陴傳云九州之

澤已陴障無澁溢矣詩彼澤之陴傳云陴澤障也昭元年

左傳障大澤服注障陴障其水也周語澤水之鍾也又云

陴唐汚庫以鍾其美又云陴郭九澤淮南說林訓十頃之

破可以灌四十頃高注畜水曰破史記鄭世家障大澤漢
書溝洫志又內黃界有澤方數十里環之有隄翟方進傳
汝南舊有鴻隙大破郡以為饒成帝時關東數水破溢為
害論衡自然篇汲井汲破灌溉園田風俗通山澤篇謹按
傳曰破者蓄也言因下鍾水以蓄利萬物也今破皆以溉
灌汝南富破縣是也光武將征交趾下詔通障谿河南汝
州廣成澤一名黃破唐改鞞隋煬帝於揚州雷塘即漢之
雷破壽春有芍破穰縣有鉗盧破以及山陰之鏡湖會稽
之回踵岬嶺二湖皆破也禹貢荊州沱潛既道馬云沱湖
也 一曰山脅者本書崩山脅道也廣雅陞陞也昭十六
年左傳齊師至於蒲隧注云取慮縣東有蒲如破馥謂隧
即山脅道釋名山旁曰破言破陞也李巡注爾雅云破者
謂高峯山破汎勝之書諸山陵近邑高危傾阪及邱城上
皆可為區田月令善相邱陵阪險原隰齊民要術邱陵阪
險不生五穀者以樹竹木陳啟源曰詩正月箋以阪田為
崎嶇堯堦之處其山脅之謂乎馥案玉海引曹氏說以隴
阪當說文

陞

阪隅也從阜取聲

子侯切

阪隅也者玉篇作陞隅廣韻同案本
書尚隅隅高山之節廣雅陞隅限也

隅

隅也從阜禺聲

虞俱切

書益稷至于海隅蒼生 詩邶風俟我乎城隅 論語舉一
隅不以三隅反皇氏曰隅角也牀有四角屋有四角皆曰隅

也 曲禮掘衣趨隅
檀弓童子隅坐而執燭

隅也者李善注笙賦引作曲也廣雅隅隈也郭注山海經
隅猶隅也孟子虎負隅趙注以隅為陞宋襄有雀生顛於

城之隅高
注陞隅也

險

阻難也從自僉聲

虛檢切

五音集韻引字林險山形似重甌 易坎卦天險不可升也
地險山川邱陵也王公設險以守其國險之時用大矣哉
阻難也者本書阻險也玉篇險難也阻也周禮司險掌九
州之圖以周知其山林川澤之阻而達其道路賈誼書道
術篇據當不傾謂
之平反平為險

限 阻也一日門楣也從自且聲乎簡切

阻也者秦策南有巫山黔中之限高注淮南云羊腸阪是大行孟門之限 一日門楣也者本書楣限也玉篇限闕也 且聲者易序卦艮者止也

阻 險也從自且聲側呂切

險也者廣雅同爾雅釋詁阻難也郭注險難易繫辭傳夫乾德行恆易以知險夫坤德行恆簡以知阻詩雄雉自詒伊阻谷風既阻我德傳竝云阻難也

隄 隄隄高也從自佳聲都臯切

隄隄高也者本書崖高也五音集韻隄隄隄隄原阜高貌玉篇隄隄隄不平也通作佳莊子齊物論山林之畏佳

隄 隄隄也從自鬼聲五臯切

隄 高也一日石也從自九聲余準切

高也者集韻隄高也或作院

隄 隄也從自夨聲洛猥切

隄也者一切經音義九通俗文隄阪曰峭山陵險隄亦謂之峭也廣雅峭高也隄通作峻李善注西征賦引淮南子

隋法刻荆許注峭峻也史記李斯傳峭壑之勢異也索隱云峭峻也高也鼂錯傳錯為人峭直刻深集解云韋昭曰術岸高曰峭臣瓚曰峭峻釋邱夷上洒下不濬孫炎云平上峭下馥案詩新臺有洒傳云洒高峻也

峭 峭高也從自夨聲私閏切

峭高也者本書峻高也通作峻考工記匠人堂涂十有二分鄭注分其督旁之修以一分為峻也疏云名中央為督假令兩旁上下尺二寸則取一寸於中央為峻

仰 仰也從自登聲都登切

仰也者當為印本書印望欲有所庶及也一切經音義四廣雅登履下依之而上者也馥案因呼登道穆天子傳天子南還升於三道之登三蒼登小阪也或作登西京賦登道邈倚以正東

陔

陔陔也從自因聲

盧侯切

陔陔也者陔當為戶本書戶陔也廣雅陔陔也成九年左傳苦恃其陔而不修城郭荀子榮辱篇陔者俄且備也馥案詩淇澳傳備寬大也備與陔反則陔為陔陔矣漢書荆法志秦人其生民也陔陔郊祀志行谿谷中陔陔且百里宋書武帝紀莫不忠其陔險九譯來庭

陔

陔也從自夾聲

侯夾切

陔也者一切經音義十三引同又云陔迫隘不廣大也玉篇陔不廣也字或作陔司馬相如上林賦赴隘之口漢書景帝紀郡國或磽陔顏注陔謂偏隘也鼂錯傳為人峭直刻深顏注峭謂峻陔也趙充國傳遣騎候四望陔中込虜顏注山峭而夾水曰陔又或作峽荆州記三峽七百里中兩岸連山畧無關處重巖疊嶂隱天蔽日自非停午夜

分不見日月峽程記三峽者即明月峽仙山峽廣澤峽其有瞿塘豔瀨燕子屏風之類皆不預三峽之數李膺益州記明月峽峽前南岸壁高四十丈其壁有圓孔形如滿月因為名隴西記襄武有錦鏡峽即黑水所經水經注巫山首尾一百六十里謂之巫峽

陔

登也從自從步

竹力切

書舜典汝陔帝位太甲若陔遐必自邇詩卷百陔彼崔嵬登也者夏小正傳云陔升也書舜典黜陟幽明傳云升進其明者詩公劉陔則在巘箋云陔升車牽陔彼高岡箋云陔登也昭七年左傳叔父陔恪杜注陔登也

陔

古文陔

陔

高下也一曰陔也從自從自亦聲

戶猶切

高下也者一切經音義十三引同又云陷猶隊入也亦沒也一曰陔也者一切經音義引作墮自亦聲者當為

各聲

隰

阪下溼也從自濕聲

似入切

阪下溼也者漢書司馬相如傳循阪下隰一切經音義四
 隰溼也釋名下溼曰隰濕也墊濕意也釋地濕曰
 隰李巡曰下溼謂土地窳下常沮洳名為隰也又阪者曰
 阪下者曰隰李巡曰阪者謂高峯山阪下者謂下溼之地
 隰溼也鄭注周禮大司徒云下溼曰隰書禹貢原隰底績
 傳云下溼曰隰史記夏本紀正義云隰低下地也詩簡兮
 隰有苓皇皇者華于彼原隰車鄰隰有栗傳並云下溼曰
 隰桓三年左傳逐翼侯於汾隰杜注汾隰汾水邊襄二十
 五年傳牧隰皋杜注隰皋水崖下溼為芻牧之地周語猶
 其有原隰衍沃也韋注下溼曰隰昭元年公羊傳上平曰
 原下平曰隰管子形勢篇所謂平原者下澤也雖有小封
 不得為高故曰平原之隰奚有於高尚書大傳下而平者
 謂之隰隰之猶言溼也春秋說題辭下溼曰隰隰者溼也
 下而澤也呂氏春秋孟春紀阪險原隰高注下溼曰隰吳
 都賦原隰殊品五臣云下溼曰隰元和郡縣志隰州
 爾雅曰下溼曰隰以州帶泉泊下溼故以隰為名

隰

敝也從自區聲

豈俱切

敝也者本書敝敝隰也漢書諸侯王表至
 序隰隰河洛之間應劭曰隰者踣蹶也

隰

下隊也從自貴聲

杜回切

下隊也者李善注高唐賦引同一切經音義六引作隊下
 也玉篇隰壞隊下也廣雅隰下也急就篇確禮扇隰春籟
 揚顏注扇扇車也隰扇車之道也隰字或作隰隰之言墜
 也言旣扇之且令墜下也漢書蘇武傳士眾滅兮名已隰
 司馬遷傳隰其家聲顏注隰墜也上林賦隰墜墜塹塹長笛
 賦總嗣隰墜揚雄河東賦發祥隰注隰注云隰墜也解嘲響
 若氏隰字或作頽詩谷風維風及頽檀弓泰山其頽乎大
 戴禮保傅篇越王不頽舊冢而吳人服釋天焚輪謂之頽
 郭注暴風從上下史記河渠書水頽以絕商顏
 集解頽曰下流曰頽寡婦賦歲云暮兮日西頽

隊

從高隊也從自家聲

徒對切

詩小宛如集于木傳云恐隊也
 漢書王莽傳不居攝則恐周

隊失 天命

從高隊也者徐錯本作從高墮也本書隊隊也檀弓退人若將隊諸淵考工記輪人為蓋般而馳不隊注云隊落也僖二十八年左傳俾隊其師杜注隊隕也襄十年傳主人縣布董父登之及堞而絕之隊則又縣之蘇而復上者三墨子七患篇今有負其子而汲者隊其子於井中荀子禮論篇暴慢恣睢輕俗以為高之屬入勇而隊注云隊古墜字墮也漢書翟方進傳隊極厥命顏注隊隕也西域傳畜隊未半阮谷盡靡碎人墮執不得相收視顏注隊亦墮也字或作隧石經論語殘碑未隧於地楚辭九歌矢交隧兮荀子儒效篇至其頭而山隧注云隧謂山石崩摧也淮南說林訓懸垂之類有時而隧高注隧墮也漢書王莽傳不隧如髮敘傳厥宗亦隧又作墜釋詁墜落也釋文云本又作隊孝經釋文隊本今作墜書仲虺之誥民墜塗炭金滕無墜天之降寶命君奭乃其墜命漢書王莽傳引作乃

命

下也從自彖聲

古巷切

下也者釋言文廣雅同本書澤一曰下也書堯典釐降二女于瀉汭史記作飭下金滕無墜天之降寶命鄭注降下也士冠禮降西階一等注云降下也土相見禮大夫則辭退下注云下亦降也孔子閒居引詩湯降不遲注云降下也詩崧高維嶽降神出車我心則降公劉復降在原旱麓也詩崧高維嶽降神出車我心則降公劉復降在原旱麓福祿攸降殷武天命降監元鳥降而生商長發湯降不遲箋竝云降下也閔子小子陟降庭止箋云陟降上下也釋天降婁孫炎曰降下也莊三十年穀梁傳降猶下也夏小正傳降者下也尚書中候湯降三分注云降下也

隕

從高下也從自員聲易曰有隕自天

于敏切

書湯誥若將隕于深淵詩小宛如臨于谷傳云恐隕也桓五年左傳社稷無隕多矣哀十五年傳無廩然隕大夫之尸又云大命隕墜又云雖隕於深淵則天命也

從高下也者本書碩落也聲類隕墜釋詁隕落也又云墜也詩縣亦不隕厥問小弁涕既隕之傳竝云隕隊也岷桑之落矣其黃而隕傳云隕墮也文十八年左傳不隕其名杜注隕隊也通作賈春秋莊七年星賈如雨宣十五年左

傳有外無實服注實隊也史記鄭世家作隕
易曰有隕自天者邁卦文虞云隕落也

隕

危也從自從毀省徐巡以為隕凶也賈侍中說隕法

度也班固說不安也周書曰邦之既隕讀若虹蜺之

蜺五結切

危也者廣雅同本書皆危高也讀若臬通作欒文選長笛
賦巔根時之欒刑兮李善注云欒刑危兒賈侍中說隕
法度也者通作臬廣雅臬法也書康誥王曰外事汝陳時
臬傳云汝當布陳是法多方爾罔不克臬傳云汝無不能
用法班固說不安也者固有說文字之書曰太甲篇此
卽其說也本書勍欒勍不安也周易困卦剝則荀爽陸績
王肅本皆作斃斃云不安兒太元闕初一園方机視注云
机視不安也周書邦之既隕者秦誓文傳云既隕不安
言危也讀若虹蜺之蜺者本書無蜺字梁書王筠傳沈
約製郊居賦要筠示其草筠讀至雌蜺連蜺約撫掌欣抃
曰僕嘗恐人呼為霓馥案漢書天文志抱蜺蜺如渚曰蜺讀曰齧

崩

小崩也從自也聲丈爾切

小崩也者一切經音義六小崩曰地方言地壞也注云謂
壞落也周語是故聚不地崩韋注大曰崩小曰地漢書楚
元王傳山陵崩地二顏注地不頽也漢舊儀垣牆地壞後
漢書李膺傳綱紀頽地吳都賦崩蠻地岑或作地說苑說
叢篇山以小地而大崩後漢書蔡邕傳太極地注引賈逵
國語注小崩曰地東海廟碑旋則地崩又或作地淮南繆
稱訓岸峭者必
陀高注陀落也

隕

敗城自曰隕從自奎聲許規切

敗城自曰隕者本書隕讀若相推落之隕方言隕壞也隱
六年公羊傳何言乎隕成敗其成也襄二十六年左傳入
南里隕其城魯語隕會稽晉語必隕其壘培韋注並云隕
壞也秦策攻城隕邑齊策隕中牟之郭史記秦始皇本紀
隕壞城郭又云隕名城甘羅傳破城隕邑不知其數漢書
異姓諸侯王表隕城銷刃春秋定十二年叔孫州仇帥師
隕郈杜注隕毀也患其險固故毀壞其城定七年左傳齊
師隕伏而待之杜注隕毀其軍以誘敵昭二十二年傳伐

京毀其西南史記魯世家使仲由毀三桓城孟氏不肯墮
城孔子世家吳伐越墮會稽集解王肅曰墮毀也漢書韓
安國傳伐國墮城顏注墮毀也所伐之國則毀其城也周
語不墮山韋注墮毀也荀子議兵篇猶以錐刀墮太山也
注云墮毀也漢書溝洫志賈讓奏昔大禹治水山陵當路
者毀之墮斷天地之性或作墮管子霸形篇自此而北至
於河者鄭自城之而楚不敢墮也家語相魯篇乃使季氏
宰仲由墮三都孫子九地篇故其城可拔其國可墮呂氏
春秋順說篇墮人之城郭賈誼過秦論墮名城靈光殿賦
序自西京未央建章之殿皆見墮壞馥案毀他物亦曰墮
億三十三年左傳墮軍實而長寇讐杜注墮毀也
漢舊儀祫祭墮廟神即毀廟之主老子或載或墮

墮 篆文

本書隋從陸省此
又從隋當有一誤

墮 仄也從自從頃頃亦聲

去營切

仄也者本書仄頃也字或作廡譙敏碑屋棟廡
覆樊敏碑能無撓廡 頃亦聲者當為頃聲

墮 落也從自多聲

徒果切

落也者字林同玉篇侈小崩也通作墮方言墮脫
也 多聲者李善注西京賦引本書侈直氏反

閻 閻也從自亢聲

客庚切

閻也者漢書揚雄傳閻閻其寥廓今注云閻閻空虛也
莊子外物篇胞有重閻注云閻空曠也本書鞞坑也墮下
云秦謂阬為墮容下云少殘地阬坎意也釋詁阬阬虛也
郭注阬阬謂阬墮也郊特牲水歸其壑注云壑猶阬也莊
子天運篇柱谷滿谷在阬滿阬衛宏詔定古文官書序迺
密令冬種瓜於驪山阬谷中溫處史記貨殖傳馳阬谷後
漢書馬融傳注引蒼頡篇阬壑也
晉書皇甫謐傳穿阬訖舉牀就阬

瀆 通溝也從自賣聲讀若瀆

徒谷切

通溝也者廣韻引作通溝以防水土徐鍇本同韓子外儲說
魯以五月起衆為長溝通作瀆鄭注周禮大司徒云注瀆
曰川風俗通山澤篇江河淮濟為四瀆四瀆者通也所以通
中國垢濁釋水江河淮濟為四瀆四瀆者發源注海者也

御覽七十五引爾雅舊注水流不絕曰瀆
讀若瀆者徐鍇本作瀆若洞一本作泗

八瀆 古文瀆從谷

釋邱竊瀆汜郭
注水無所通者

隄也從自方聲

隄也者廣雅同釋邱墳大防孫炎曰防謂隄也月令脩利
隄防周禮稻人以防止水注云防豬豸隄也考工記匠人
凡溝必因水執防必因地執昭三十年左傳遂伐徐防山
以水之杜云防壅山水以灌徐襄二十五年傳町原防杜
注防隄也大戴禮禮察篇君子之道譬猶防與夫禮之塞
亂之所從生也猶防之塞水之所從來也故以舊防為無
用而壞之者必有水敗以舊禮為無用而去之者必有亂
患晏子春秋景公登東門防曰夫何不下六尺哉晏子曰
蚤歲淄水至入廣門鄉者防下六尺則無齊矣孟子無曲
防秦策長城鉅防足以為塞呂氏春秋慎小篇巨防容螻
而漂邑殺人注云巨防大隄也如隄有孔穴容螻蛄則潰
漏竅洩至於漂沒閭邑溺殺人民也淮南修務訓禹修彭

蠡之防說林訓窟穴者託埤防便也齊俗訓狙貉得埤防
弗去而緣高注竝云防隄也或作坊郊特牲祭坊與水庸
事也坊記君子之道譬則坊與經解
以舊坊為無用而壞之者必有水敗

防或從土

塘也從自是聲

塘也者集韻引作唐也周語陂唐汚庫以鍾其美韋注唐
隄也宋庠云唐如字今俗本多加土於旁說文無塘字馥
案漢書地理志會稽有錢唐縣竝作唐通行用塘字淮南
說山訓壞塘以取龜埤蒼長沙謂隄為塘魏志劉馥傳興
治吳塘諸塌以溉稻田又作塘廣雅隄隄也爾雅釋宮隄
謂之梁李巡曰隄防也障也釋地八陵云梁莫大於梁
郭注梁隄也定九年穀梁傳得之隄下史記封禪書閒者
河溢皋陸隄繇不息或作堤襄二十六年左傳棄諸堤下
釋文堤
亦作隄

基也從自止聲

諸市切

基也者釋名水出其前曰阡邱阡基阡也史記封禪書石閭者在太山下阡南方漢書疏廣傳頗立產業基阡藉田賦結崇基之靈阡思玄賦卽岐阡而臚情通作趾宣十一年左傳略基趾

阡或從土

阡

山絕坎也從阜聖聲

戶經切

山絕坎也者釋山山絕陁郭注連山中斷絕僖四年左傳次于陁史記楚世家以兵侵楚至陁山楚策北有汾陁之塞襄十六年左傳速遂塞海陁而還杜注海陁魯隘道秦策陁山之役高云趙井陁塞也徐廣注史記陁者山絕之名常山有井陁中山有苦陁元和郡縣志懷州河內縣太行陁在縣西北三十里連山中斷曰陁述征記曰太行山首始於河內自河內北至幽州凡有八陁第一曰軹關陁今屬濟源縣第二太行陁第三白陁此兩陁今在河內第四滏口陁對鄴西第五井陁第六飛狐陁一名望都關第七蒲陰陁此三陁在中山第八軍都陁在幽州太行陁潤三步長四十里顧炎武曰今井陁之陁古書有作鉏者穆天子傳至於鉏山之下是也有作研者漢書地理志上

黨部有石研關是也有作研者晉書石勒載記使石季龍擊託侯部掘咄哪于研北大破之是也有作陁者晉書胡奮傳頓軍陁北是也有作陁者揚子法言山陁之蹊是也有作徑者李尤函谷關賦於北則有蕭居天井壺口石徑貫越代嗣以臨北庭是也

陁

附婁小土山也從自付聲春秋傳曰附婁無松柏

符切

附婁小土山也者或作培婁易林蹇之訟土瘠瘦薄培婁无柏崔鴻前趙錄劉淵曰當為崇岡峻阜何能為培婁乎晉語必墮其壘培春秋傳曰附婁無松柏者襄二十四年左傳文彼作部婁杜注部婁小阜晏子若部婁之末登風俗通山澤篇謹按春秋左氏傳部婁無松柏言其卑小部者阜之類也今齊魯之間田中少高印名之為部矣

陁

秦謂陵阪曰陁從自氏聲

丁禮切

秦謂陵阪曰陁者廣韻引字統同御覽引作陵阜漢地理志隴西郡應劭曰有隴陁在其西也後漢書寇恂傳復助

器拒隴阨高唐賦臨大阨之稽水字或作坻昭十二年左傳有酒如淮有肉如坻上林賦下磧歷之坻五臣注坻坂也後漢書隗囂傳使王元據隴坻注云坻坂也華陽國志元道縣有坻阜又通作底後漢書光武紀馮異與赤眉戰於峭底注云底阪也

阨 石山戴土也從自從兀兀亦聲 五忽切

石山戴土也者本書岨石戴土也詩卷百陟彼崔嵬陟彼岨矣傳云崔嵬土山之戴石者石山戴土曰岨釋名石戴土曰岨土戴石曰崔嵬惟爾雅獨異釋山云石戴土謂之崔嵬土戴石為岨或作岨廣韻嶺岨山兒也元結詩山屹岨兮水淪漣蜀都賦躡五岨之蹇澹劉逵注五岨山名也一山有五重 兀亦聲者當為兀聲

崖 崖也者李善注西京賦引作厓也五臣注厓隙邊限也廣雅隙厓也薛綜注西京賦金堤謂以石為邊隙魏都賦築會宮以迴市比兩隙而無陂釋山重巖隙孫炎曰山基有重岸也詩葛藟在河之澗傳云澗水隙也伐檀實之河之澗

澗兮傳云澗厓也兼葭傳云澗水隙也 正義云隙是山岸澗是水岸故云水隙

阨 塞也從自戾聲 於革切

本書靈塞也引春秋傳墊阨 戰國策太子辭於齊王而歸齊王隘之注云隘讀作阨 漢書地理志右扶風汧縣下云詩芮阨雍州川也顏注阨讀與鞠同大雅公劉之詩曰芮鞠之即韓詩作芮阨 周禮鄉師以歲時巡國及野而彌萬民之藉阨 孟子阨窮而不憚 漢書元帝紀百姓仍遭凶阨 塞也者戰國策塞阻隘史記漢興以來諸侯年表秉其阨塞地利或作扼後漢書杜篤傳城池百尺扼塞要害

障 障也從自章聲 古覈切

障也者李善注西京賦引作塞也本書塞隔也史記秦始皇本紀昭障內外通作鬲大宛傳鬲漢道焉漢書薛宣傳西州鬲絕韋元成傳起敦煌酒泉張掖以鬲姑羌

障 障也從自章聲 之亮切

隔也者廣雅同通俗文藩隔曰障祭法縣鄆洪水而殛从
定十二年左傳且成孟氏之保障也蒼頡篇障小城也北
征賦登鄆隧而遙望兮史記秦始皇本紀築亭障以逐戎
人漢書張湯傳居一障間注云謂塞上要險之處別築為
城而為鄆蔽李陵傳陵以九月發出遮虜障顏注障者塞
上險要之處往往修築別置俟望之人所以自障蔽而伺
也蔽

隱

蔽也從自急聲切於謹

蔽也者月令無有掩蔽廣雅隱翳也通鑑魏使太子居正
殿時隱而窺之注云自隱蔽其身而窺之也襄二十三年
左傳踰隱而待之杜注隱短牆也史記秦始皇本紀隱宮
徒刑者七十餘萬人注云宮刑一百日隱於蔭室養之故
曰隱

隄

水隈崖也從自奧聲切身到

水隈崖也者本書澳隈厓也其內曰澳其外曰隈釋邱隄
隈厓內為隄外為隈詩公劉芮鞠之即箋云水之內曰隄

隄

水曲隄也從自畏聲切身恢

釋邱外為隈釋文隈作鞠云如字字林作坻云隈厓外也詩
公劉芮鞠之即箋云水之內曰隄水之外曰鞠鄭注職方引
詩作芮隄漢書地理志芮隄雍州川也顏云韓詩作芮隄隄
與鞠同馥案玉篇坻居六切涯也水外為坻隄古岸也廣韻
坻與隄同云曲岸水外曰隄馥謂
隄鞠聲不近蓋隄以形誤為隄也
水曲隄也者李善注七發引作水曲也西都賦商洛緣其
隈五臣注隈水曲列子黃帝篇因復指河曲之淫隈注云
隈水曲也廣韻引字林隈隄隈也淮南原道訓昔舜釣於
河濱暮年而漁者爭處湍瀨以曲隈深潭相子閔二年左
傳號公敗犬戎於涓泆
杜注水之隈曲曰泆

隄

譽商小塊也從自從庚切去衍

隄

水衡官谷也從自解聲一曰小谿胡買切

水衡官谷也者玉篇解一作澥本書澥下云一說澥即澥
 谷也通作解漢書律歷志黃帝使冷綸取竹之解谷孟康
 曰一說昆侖之北谷名也字或作懈馬融廣成頌窮浚谷
 底幽懈一曰小谿者通鑑綱目黃帝使伶倫取竹於懈
 溪之谷張衡西
 京賦擿澥澥

隴

天水大阪也從自龍聲

力腫切

天水大阪也者寰宇記引同漢書地理志天水郡應劭曰
 天水有大阪名曰隴阪又隴西郡應劭曰有隴坻在其西
 也顏注隴坻謂隴阪即今之隴山也武帝本紀遂踰隴應
 劭曰隴隴坻坂也郭仲產秦州記隴山東西百八十里登
 山嶺東望秦川四五百里極目泯然山東人行役升此而
 顧瞻者莫不悲思故歌曰隴頭流水分離四下念我行役
 飄然曠野登高遠望涕零雙落三秦記隴坂九迴不知高
 幾許欲上者七日乃得越絕高處可容百餘家下處容十
 萬戶山頂有泉清水四注東望秦川如四五百里人上隴
 者想還故鄉悲思而歌歌云隴頭流水鳴聲幽咽遙望秦
 川肝腸斷絕書禹貢梁州西傾因桓是來鄭注桓是隴阪
 名其道盤桓旋曲而上故名曰桓是今其下民謂是阪曲

為盤也張衡四愁詩我所思兮在漢陽欲往從之隴阪長
 案漢明帝改天水郡為漢陽郡續漢書郡國志漢陽郡隴
 州有大阪名隴坻是也西京賦右有隴坻之隘五臣注隴
 坻坂名寰宇記秦州隴城縣大隴山亦曰隴首山又清水
 縣小隴山
 經邑界

隴

酒泉天隴阪也從自衣聲

於希切

酒泉天隴阪也者漢書地理志酒泉郡
 天隴縣顏注此地有天隴阪故以名

隴

弘農陝也古號國王季之子所封也從自夾聲

失丹切

漢書杜鄴傳分職於陝顏注陝即今陝州縣也括地志陝
 原在陝州陝縣西南二十五里分陝從原為界集古錄陝
 州石柱相傳以為周召
 分陝所立以別地理

弘農陝也者隱五年公羊傳自陝而東者周公主之自陝
 而西者召公主之注云陝者蓋今弘農陝縣是也古號
 國王季之子所封也者顏注急就篇號叔周王季之子也
 受封於號其地今陝州陝縣是也漢書地理志弘農郡陝

縣故魏國北魏在大陽東魏在熒陽西魏在雍州續漢書郡國志弘農郡陝本魏仲國注云杜預曰魏都上陽在縣東有魏城隱元年左傳鄭人以王師魏師伐衛南鄙杜注魏西魏國也弘農陝縣東南有魏城十道志陝州陝郡禹貢豫州之域周爲二伯分陝之地卽古魏國也戰國時屬韓秦併天下屬三川郡

魏

弘農陝東陝也從自霖聲

武扶切

弘農陝東陝也者廣韻無地名在弘農玉篇無陝東縣

魏

河東安邑陝也從自卷聲

居遠切

河東安邑陝也者玉篇陝河東安邑縣廣韻陝河東安邑縣名集韻陝縣名在河東或作陝高士傳宋勝之家於魏城陝中際

魏

上黨隋氏陝也從自奇聲

於商切

上黨隋氏陝也者漢書地理志上黨郡有隋氏縣或作猗漢衛敬侯碑城惟解梁地卽鄒首山對靈足谷當簡口文中化之

七年左傳敗秦師於令狐至於刳首關
駟曰令狐卽猗氏刳首在西三十里

隄

北陵西隄鴈門是也從自俞聲

傷遇切

北陵西隄鴈門是也者釋地文郭注卽鴈門山也玉篇隄北陵在鴈門山穆天子傳天子西征乃絕隄之關陸郭注隄鴈門山卽北陵鴈之所出因以名山云山今在代州西北三十里寰宇記代州鴈門縣句注山一名西陘山在縣北三十里水經注云鴈門郡北對句注山一名西陘山在縣北三十里咸寧元年句注碑曰蓋北方之險有盧龍飛狐句注爲之首天下之阻所以分別內外也漢高祖欲伐匈奴不從婁敬之說械繫於廣武遂踰句注困於平城謂此也通作俞史記趙世家反壘分先俞於趙集解爾雅曰西俞鴈門是也正義云西先聲相近

阮

代郡五阮關也從自元聲

虞遠切

代郡五阮關也者漢書成帝紀流民欲入五阮關者勿苛畱後漢書烏桓傳遺伏波將軍將三千騎出五阮關掩擊

之注云關在代郡通作原地理志代郡有五原關馥案五原郡廣韻作五阮郡元馨者徐錯本下有讀若昆三字

𡗗 大阜也一曰右扶風郿有𡗗自從自告馨苦沃切

𡗘 邱名從自武馨方遇切

邱名者通作梧釋名當途曰梧邱梧忤也與人相當忤也釋邱當途梧邱釋文梧五故反

𡗙 邱名從自貞馨陟盈切

𡗚 邱名從自丁馨讀若丁當經切

邱名者通作定釋邱左澤定邱

𡗛 鄭地阪從自為馨春秋傳曰將會鄭伯於隲許為切

鄭地坂者廣韻隲阪名在鄭春秋傳曰將會鄭伯於隲者彼作鄒襄七年經公會晉侯宋公陳侯衛侯曹伯莒子邾子于鄒傳云楚子囊圍陳會於鄒以救之杜注鄒鄭地案公羊穀梁竝作鄒穀梁釋文云本又作隲

𡗜 如渚者階邱水中高者也從自者馨當古切

如渚者階邱者釋邱文彼作如階郭注水中小洲為階篇海引本書作如階釋名如渚者階邱形似水中之高也隆高而廣也又云小洲曰渚渚遮也體高能遮水使從旁回也越語鼃鼃之與同階注云水邊亦曰階漢書司馬相如傳且齊東階鉅海蘇林曰小洲曰階顏注東有大海之階揚雄反離騷鳳皇翔於蓬階注云蓬萊之階在海中

𡗝 宛邱者釋邱陳有宛邱郭注今在陳郡陳縣水經注宛邱在陳城南道東王隱云漸欲平今不知所在矣舜後媯

滿之所封者詩譜陳者太皞處戲氏之墟帝舜之曹有虞闕父者為周武王陶正武王賴其利器用與其神明之後

封其子媯滿於陳都於宛邱之側是曰陳胡公以備三恪妻以元女太姬其封域在禹貢豫州之東其地廣平無名

山大澤西望外方東不及明豬隱八年左傳天子建德因生以賜姓胙之土而命之氏注云因其所由生以賜姓謂


若舜由媯滿故陳為媯姓報之以土而命氏曰陳正義云陳世家云陳胡公滿者虞帝舜之後也昔舜為庶人時若

於媯汭其後因為氏姓媯氏武王克殷得媯滿封之於陳是舜由媯汭故陳為媯姓也案世本帝舜姚姓哀元年傳稱虞思妻少康以二姚是自舜以下猶姓姚也昭八年傳曰及胡公不淫故周賜之姓是胡公始姓媯耳史記以為胡公之前已姓媯非也莊二十二年傳有媯之後將育於姜注云媯陳姓昭八年傳陳顓頊之族也杜注陳祖舜舜出顓頊傳又云及胡公不淫故周賜之姓使祀虞帝杜云胡公滿遂之後也事周武王賜姓曰媯封諸陳紹舜後昭三年傳姜族弱矣而媯將始昌注云媯陳也傳又云箕伯直柄虞遂伯戲其相胡公大姬已在齊矣杜注四人皆舜後陳氏之先胡公四人之後周始封陳之祖大姬其妃也襄二十五年傳鄭子產獻捷於晉晉人問陳之罪對曰昔虞闕父為周陶正以服事我先王我先王庸以元女大姬配明公而封諸陳以備三恪杜注闕父舜之後鄭語陳蔡隨唐韋注陳媯姓也魯語故分陳以肅慎氏之貢韋注陳媯姓也家語辨物篇以分大姬配胡公而封諸陳注云胡公舜之後樂記武王克殷未及下車封帝舜之後於陳漢書人表陳胡公滿舜後元后傳舜起媯汭以媯為姓至周武王封舜後媯滿於陳是為胡公帝王世紀宓義為天子都陳在禹貢豫州之域於周為陳胡公所封故春秋傳

曰陳太昊之墟也於漢屬淮陽今陳國是也古文苑陳君碑始祖有虞受禪陶唐亦以命禹其後媯滿當周武王時祚土於陳陳度碑武王克商封先代之後以元女大姬配胡公封諸陳 申聲者當為申省聲

古文陳

本書虹籀文從申作



再成邱也在沛陰從自甸聲夏書曰東至于陶邱陶

邱有堯城堯嘗所居故堯號陶唐氏

徒刀切

水經濟水注引墨子以為釜邱竹書紀年魏襄王十九年薛侯來會王于釜邱者也

再成邱也者李善注應貞詩顏師古注高帝紀竝引作邱再成也釋邱再成為陶邱元和郡縣志云成猶重也書禹

貢傳云陶邱邱再成在沛陰者郭注爾雅云今濟陰定陶城中有陶邱漢書地理志濟陰郡定陶縣下云禹貢陶

邱在西南陶邱亭胡渭曰漢志云在縣西南而郭璞言在城中蓋其時郡徙西南包陶邱而為城耳魏書地形志濟

陰郡定陶縣在定陶山下因為名括地志陶山在濟州平
陰縣東三十五里史記越世家止于陶集解云今之濟陰
定陶戰國策秦封君以陶注云今定陶縣元和志曹州濟
陰縣本漢定陶縣之地也屬濟陰郡州理中城蓋古之陶
邱也 夏書田東至于陶邱者禹貢文彼云東出于陶邱
北李善顏師古引本書亦無北字竝無于字丘古文作聖
或以聖之一字誤為丘北二字與鄭注導水云言過言會
者皆是水名言至于者或山或澤皆非水名據此則鄭本
亦作至于禹貢下文云又東至于菏是先至于陶邱又至
于荷也 陶邱有堯城堯嘗所居故堯號陶唐氏者李善
顏師古竝引作堯嘗居之玉篇陶邱有堯城以堯居之故
號陶唐氏元和志定陶故城堯所居也堯先居唐後居陶
故曰陶唐氏竹書紀年帝堯八十九年作游宮於陶九十
年帝游居於陶一百年帝陟於陶詩譜曹者禹貢兗州陶
邱之北地名今日濟陰定陶是也昔堯嘗遊成陽外而葬
焉漢濟陰太守孟郁修堯廟碑帝堯萌兆生長葬陵在於
成陽漢書地理志濟陰成陽有堯冢靈臺後漢書章帝紀
元和二年二月東巡狩使使者祠唐堯於成陽靈臺皇覽
堯冢在濟陰成陽帝王世紀堯葬濟陰成陽西北四十里
是為穀林水經注城陽西二里有堯陵書五子之歌惟彼

陶唐傳云陶唐帝堯氏襄二十四年左傳范宣子曰昔句
之祖自虞以上為陶唐氏昭二十九年傳有陶唐氏注云
陶唐堯
所治也

𡇗 耕以甬浚出下壚土也一曰耕休田也從自從土召

聲之少 切

耕以甬浚出下壚土也者杜注左傳浚取也本書壚黑剛
土也泥勝之書春地氣通可耕堅硬強地黑壚土釋名鋪
插也插地起土也或曰銷銷削也能
有所穿削也馥案銷即本書削字

𡇗 壁危也從自占聲 余廉切

壁危也者廣雅𡇗危也離騷𡇗余身而危外兮王注云𡇗
猶危也漢書文帝紀或𡇗於外如涪日𡇗近邊欲墮之
意倉貨志安有為天下𡇗危若是而上不驚者臣瓚曰臨
危日𡇗顏注𡇗危欲墜之意也後漢書張衡傳𡇗身以微
幸注云𡇗危也傳又云𡇗焦原而跟止注云尸子曰莒國
有石焦原者廣尋長五十步臨百仞之谿莒國莫敢近也

有以勇見莒子者獨却行刺踵焉魏志和洽傳昏世之主不可親近久而帖危宋書後廢帝紀七廟帖危南郡王義宣傳家國帖危永明十一年策秀才文故能出人於帖危之域謝朓和王著作八公山詩帖危賴宗袁陳書高祖紀番部帖危勢將淪殄通鑑李克用上表朝廷當帖危之時則譽臣為韓彭伊呂注云臨危曰帖危字或作帖後漢書馬援傳飛蒼帖帖墮水中白帖引杜詩作帖占聲者王觀國曰唐書釋音饒州老儒董衡所進蕭復傳曰今帖於危帖音鹽臨危之義也衡誤音都念切又注云下也此討論之失也韻案裴注魏志引漢書注帖音鹽

除

殿陛也從阜余聲

直魚切

殿陛也者御覽引作殿階也李善注懷舊賦曹植贈丁儀詩謝惠連詠牛女詩引竝作階注月賦又引作陛玉篇除也摯虞洩疑要注凡大殿乃有陛堂則有階無陛也右碣左平平者以文埶相亞次碣者為陛級也九錫之禮納陛以登謂受此陛以上殿

陛

陛也從阜皆聲

古諧切

書大禹謨舞干羽于兩階 論語及階 史記堯舜土階三等 古詩阿閣三重階

陛也者玉篇階登堂道也尙書大傳 大師奏雞鳴於階下注云階陛也

阼

主階也從阜匕聲

昨誤切

主階也者書顧命由阼階隣正義云阼階者東階也謂之阼者鄭元冠禮注云阼猶酢也東階所以答酢賓客是其義也郊特牲適子冠於阼注云東序少北近主位也漢書匡衡傳適子冠乎阼顏注阼主階也顧炎武曰大戴禮武王踐阼禮記曲禮踐阼臨祭祀正義曰踐履也阼主人階也天子祭祀升阼階履主階行事故云踐阼也文王世子篇成王幼不能涖阼周公踐阼而治注踐履也代成王履阼階史記漢文帝紀辛亥皇帝即阼正義曰主人階也古時殿前兩階無中間道故以阼階為天子之位王莽傳引逸書嘉禾篇云周公奉鬯立於阼階隋書載北齊邢子才議曰君位在阼階故有武王踐阼篇啖氏春秋傳曰凡天子崩諸侯薨既殯而嗣子為君康王之誥是也未就阼階之位來年正月朔日乃就位南面而改元春秋所書是也公即位者即阼階之位也

階升階也從自聲

旁禮切

升高階也者玉篇階天子階也釋名階卑也有高卑也天子殿謂之納陛言所以納人言之階陛也北堂書鈔引梅陶云堂高曰陛獨斷階陛也所由升堂也天子陳兵於陛故呼陛下用卑達尊之意也三輔黃圖陛所由升堂也天子必有近臣執兵階陛以戒不虞臣下與天子言不敢指斥天子故呼在殿陛下以告之故稱陛下燕策秦舞陽奉地圖匣以次進至陛下漢書王莽傳朱戶納陛顏注尊者不欲露而升陛故納之於露下也漢書音義如涓曰刻殿基以為陛以有兩旁上下安也孟康曰謂鑿殿基際為陛不使露也

階次也從自亥聲

古哀切

階次也者廣韻殿階次序史記封禪書壇三垓集解云徐廣曰陔階次也漢書郊祀志祠壇放亳忌泰一壇三陔注云陔重也三陔三重壇也通作垓御覽引廣雅九天之外曰九垓注云垓階也言階次九也史記武帝紀索隱引鄒氏曰垓一作陔言壇階三重漢書司馬相如傳上暢九垓服虔曰垓重也

壁會也從自祭聲

子例切

壁會也者壁隙也廣雅際會也潛夫論浮侈篇削除鏗靡不見際會參同契固塞其際會琴賦或乘險投會邀隙趨危又云鏘會衰廁李善云謂鏘鏘其縫會也

壁際孔也從自從巢亦聲

綺載切

壁際孔也者一切經音義十四引同字鑑引作壁際空也李善注沈約誦月詩引作壁際也又注江淹詩引作壁縫也本書場壁間隙也集韻闔墀壁隙也玉篇隙壁際也廣雅隙裂也昭元年左傳人之有牆以蔽惡也牆之隙壤誰之咎也孟子鑽穴隙相窺商子修權篇隙大而牆壞鬼谷子謀篇故牆壞於有隙韓非子徵篇牆之壞也必通隙淮南說林訓隙大則牆壞說山訓受光於隙照一隅受光於牖照北壁受光於戶照室中無遺物唐嵩陽觀碑室其窗戶隙光漢書地理志北隙身九夫餘如涓云或曰隙際也禮三年問若駟之過隙燕策將軍過聽以與寡人有隙一切經音義十四引國語上下無隙賈注隙疊也漢書張釋之傳雖錮南山猶有隙史記作邽鮑照詩素景緣隙流隙

即隙 泉亦聲 者當為泉聲

陪 重土也 一曰滿也 從自音聲 薄回切

重土也者禮內則重醴注云重陪也昭五年左傳殯有陪
鼎定四年傳分之土田陪敦注云陪增也或通作培呂氏
春秋孟秋紀圉牆垣高注圉猶培也又通作培莊子逍遙
游而後乃今培風釋文培重也本或作陪徐鍇本有一曰
陪臣陪備也七字錯曰諸侯之臣於天子曰陪臣馥案曲
禮列國之大夫入天子之國曰某士自稱曰陪臣某僖十
二年左傳陪臣敢辭服注陪重也諸侯之臣於天子故曰陪臣

陪 道邊庫垣也 從自象聲 徒玩切

道邊庫垣也者本書埒卑垣也廣雅隊垣也

陪 築牆聲也 從自與聲 詩云 揅之 陜陜 衆也 如乘切

築牆聲也者詩釋文引本書同 詩云 揅之 陜陜 衆也

陜 城上女牆俾倪也 從自卑聲 符支切

小爾雅廣器墉牆謂之陜 成六年左傳衛人登陜 晉語
文公誅觀狀以伐鄭反其卑 韋注卑城上女垣 通鑑王先
成築龍尾道屬於女牆注云 女牆即城上短垣所謂陜也

城上女牆俾倪也者本書倪俾也俾益也馥謂城上益加
小牆故曰俾倪俾倪為陜猶令丁為鈴終葵為椎也一切
經音義二俾倪俾倪云城上小垣也左傳釋文堞一名俦
亦謂之俦倪集韻俦倪城上垣廣雅俦倪女牆也增韻俦
堞城上女牆亦作俦倪又作睥睨蓋女牆開箭眼以窺望
城下因以為名釋名城上垣曰睥睨言於其孔中睥睨非
常也亦曰陜陜也言俦助城之高也亦曰女牆言其卑
小比之於城若女子之於丈夫也宣十二年左傳守陜者
皆哭杜云陜城上僻倪正義云陜城上小牆俦倪者看視
之名襄六年晏弱圍萊煙之環城傳於堞注云堞女牆也
又二十五年吳子門於巢巢牛臣隱於短牆以射之二十
七年廬蒲嬖攻崔氏崔氏堞其宮而守之注云堞短垣也
陜堞俦倪短牆短垣女牆皆一物也

籀文隍從臯

隍 城池也有水曰池無水曰隍從自皇聲易曰城復于

隍 乎光切

城池也有水曰池無水曰隍者東京賦邪阻城洫注云洫城下池也皆屈曲邪行依城池為道故說文曰隍城池也
有水曰池無水曰隍矣一切經音義八三蒼城下坑無水曰隍古今注隍者城池之無水者也釋詁隍虛也郭注隍城池無水者釋言隍壑也郭云城池壑也馥案鄭注周易隍壑也列子周穆王篇遠而藏諸隍中注云隍無水池也楚詞七諫悲太山之為隍兮王注隍城下池也寰宇記賀州蕪城池隍中頗出珠玉寶器通作隍文選七發黃池紆曲李善云黃當為隍隍城池也 易曰城復于隍者泰卦文釋文隍城塹也子夏傳隍是城下池也 虞注城下溝無水稱隍有水稱池

隍 依山谷為牛馬圈也從自去聲 去魚切

依山谷為牛馬圈也者漢書司馬相如傳江河為隍蘇林曰隍獵者圍陳遮禽獸也郭璞曰因山谷遮禽獸為隍揚雄傳以固為周隍李奇曰隍遮禽獸圍陳也吳都賦隍以九疑五臣云隍闌也因山谷以遮禽獸也通鑑高歡對爾朱榮曰聞公有馬十二谷

隍 危也從自坐聲 是為切
小障也一日庫城也從自身聲 安古切

小障也者李善注長笛賦引同後漢書樊準傳修理塢壁皇甫規傳覆沒營塢注引本書並同通俗文營居曰塢史記秦始皇本紀築亭障以逐戎人漢書地理志敦煌郡效穀顏注本魚澤障也張湯傳居一鄣閒顏注鄣謂塞上要險之處別築為城因置吏士而為鄣蔽以扞寇也關駟曰武帝使伏波將軍路博德築遮虜障於居延城又云延壽縣有玉石障漢遮虜障也李衛公問對擇吏使守堡障此足以經久魏縱氏縣有袁術固一名袁術塢塢文選長笛賦序獨臥鄧平陽鄆中李善云鄆聚邑之名也御覽引丹陽記石頭城吳時悉土塢義熙始加塢累石頭字或作塢漢

馬賢為征西將軍作塲壁三百所後漢書安帝紀元初元年遣兵屯河內衝要皆作塲壁獻帝紀移帝幸北塲馬援傳援起塲候注云字或作陽梁書謝覽傳於錦沙立塲拒戰戴延之西征記蠡城川南有金門塲後漢書董卓傳又築塲於鄒高厚七丈號曰萬歲塲元和郡縣志鄒縣下云董卓塲在縣東北十六里卓封鄒侯築塲高與長安埒號為萬歲塲蜀志張寔傳寔以郡鄒字頽壞更築小塲寰宇記濡須塲在歷陽縣西南吳開曹公將來因築此塲吳錄云初欲夾水立塲諸軍皆曰上岸擊賊跣足入舟何用塲為呂蒙曰兵有利鈍戰無百勝如有邂逅步騎蹙人不暇及水豈得入船乎權曰善遂築塲引同後漢書獻帝紀注引通俗文亦同一切經音義十一引字林陽小城也

院 堅也從自完聲 王眷切

本書山部有院字

堅也者院堅聲相近通作完考工記輪人輪敝三材不失職謂之完注云敝盡而輟輻身不動馥案詩薄彼韓城燕

師所完隱元年左傳太叔完聚襄三十一年傳繕完葺牆又云是以令吏人完客所館孟子使舜完廩莊子天地篇不以物挫志之謂完皆堅固意本書完下云古文以為寬字完既為寬則院為堅完之本字矣

隄 山自陷也從自侖聲 盧昆切

山自陷也者通作淪玉篇隄亦作淪案書微子今殷其淪喪

涸 水自也從自辰聲 倉倫切

水自也者徐鍇曰若涸岸也本書涸水厓也詩王風在河之涸傳云涸水廉也正義廉是山岸涸是水岸故云水廉

戩 水自也從自斝聲 慈衍切

文九十二 重九

閏 兩自之間也從二自凡閏之屬皆從閏 似醉切

小字本李燾本徐鍇韻譜廣韻俱作房九切徐鍇繫傳符九反玉篇扶救切集韻類篇扶缶切惟周伯琦六書正譌吳元

滿六書正義與本書音同周氏云甌從兩自兩山之閒曰谷
兩自之閒曰甌後人掘墜通道以葬有類乎甌故又名墓道
為甌也別作隧非吳氏云甌隧音遂兩自之閒上有負土若
今延道曰隧魯國語具舟除隧左傳隱元年隧而相見又墓
道也王者掘地通道以葬曰隧左傳僖廿五年晉文公請隧
正義從自昌合意馥證之檀弓注知似醉切為正音檀弓齊
莊公襲莒於奪杞梁於焉鄭注春秋傳曰杞殖
華還載甲夜入且于之隧奪聲近或為兌

兩自之閒也者集韻隧墓道也古作甌案甌即甌經典通
用隧字聲類隧延道也周禮豕人及竈以度為邱隧注云
隧羨道也九章算術今有羨除下廣六尺上廣一丈深三
尺末廣八尺無深袤七尺注云羨除寬隧道也其所穿地
上平下表似兩鬣牖夾一壟堵即羨除之形詩桑柔大風
有隧傳云隧道也曲禮出入不當門隧注云隧道也隱元
年左傳若闕地及泉隧而相見杜注隧若今延道僖二十
五年傳晉侯朝王請隧杜注闕地通路曰隧韋昭注國語
曰隧六隧也賈誼書審微篇古者周禮天子葬用隧諸侯
縣下晉文公葬南陽即於得以下襄十八年傳連大車
以塞隧而殿襄二十三年傳夜入且于之隧杜注且于隧
狹路襄二十五年傳當陳隧者井埋木刊杜注隧徑也昭

元年傳私盟於闔門之外實薰隧杜注闔門鄭城門薰隧
門外道名昭十七年傳盈其隧炭杜注隧出入道定四年
傳還塞大隧杜注漢東之隘道哀十三年傳越子伐吳為
二隧杜注隧道也魯語具舟除隧韋注隧道也家語致思
篇彼有寶季羔曰君子不隧注云隧從實出軍法司空治
軍隧道韓詩外傳孔子南游適楚至於阿谷之隧漢書西
域傳欲起亭隧顏注隧謂深開小道而行避敵鈔寇也匈奴
傳起亭隧顏注隧謂深開小道而行避敵鈔寇也說苑尊
賢篇斬岸過水析舟至於有戎之隧大風折旆黃圖槐市
過隧斬岸過水析舟至於有戎之隧大風折旆黃圖槐市
列槐樹數百行為隧無牆屋魏志高句麗國東有大穴名
隧穴陳琳為袁紹檄豫州欲以蟾蜍之斧禦隆車之隧蜀
都賦列隧百重羅肆巨千五臣注隧市中道西都賦貨別
隧分五臣注隧市中道西京賦旗亭五重府察百隧五臣
注隧市道也字或作遂會稽記大司馬滕公冢下路猶謂
之隧侯遂通作遂周禮遂人夫閒有遂古微書春秋演孔
圖使開階立遂注云
遂當作隧隧道也

甌

自窳也從甌洩省聲

於洩切

自窳也者本書窳穿也徐錯韻譜窳穿也通作陵集韻陵
陵阜窳也古作窳 洩省聲者徐錯本作支聲玉篇廣韻
從吏作窳音所冀 疎吏二切竝誤

隘

隘也從囧林聲林籀文隘字

鳥懈切

隘也者本書陝隘也廣雅隘隘也詩大雅誕置之隘巷禮
器君子以為隘矣注云隘猶狹隘也僖二十二年左傳古
之為軍也不以阻隘也昭三年傳湫隘囂塵杜云隘小戰
國策塞阻隘離騷路幽昧以險隘孫子地形篇隘形者我
先居之注云兩山之間通谷也元和郡縣志靈邱縣隘門
山亦曰隘曰在縣東南十五里壁立直上層崖刺天有古
道極險隘 林籀文隘字者徐錯本無此文本書隘籀文
作菘漢書百官表菘作朕虞應劭曰菘伯益也顏注菘古
益字也馥謂本書隘之籀文有闕筆今作菘實益字非隘
也春秋元命包益州益之為言阨也言其所任之地險阨
也

籀

籀文闕從自益

籀文闕從自益者徐錯本無益字籀文當作篆文從闕者
本籀文小篆仍而不改者也從自者乃小篆變闕從自二
文竝 從益

塞

塞上亭守燧火者從囧從火遂聲

徐醉切

塞上亭守燧火者者史記秦始皇本紀築亭障以逐戎人
字或作烽燧漢書賈誼傳斥候望烽燧不得臥文穎曰邊
方備寇作高土橦橦上作桔皋桔皋頭兜零以薪草置其
中常低之有寇即火燃舉之以相告曰烽又多積薪寇至
即燃之以望其煙曰燧司馬相如傳夫邊郡之士聞燧舉
燧燔皆攝弓而馳荷兵而走孟康曰燧如覆米奠縣著契
皋頭有寇則舉燧有難則焚烽主晝燧主夜字又作燧燧漢
烽見敵則舉燧有難則焚烽主晝燧主夜字又作燧燧漢
書韓安國 傳置燧燧

篆

文四 重二

△△ 案坡土為牆壁象形凡△之屬皆從△
力軌切

案坡土為牆壁者王篇△累壘為牆壁也

△△ 增也從△從△ 案十黍之重也
力軌切

增也者漢書景十三王傳臣聞悲者不可為案欬顏注案重也司馬相如傳案臺增成顏注案古累字賈誼書退讓篇壤陞三案或作累傳十八年穀梁傳善累而後進之范注累積秦策有累世之怨高注累重也從△從△者徐錯本作△亦聲案本書之例從本部得聲者則曰亦聲徐鉉削去三字坐不審耳案十黍之重也者漢書律歷志權輕重者不失黍案應劭曰十黍為案十案為銖夢溪筆談唐書開元錢重二銖四參今蜀郡亦以十參為一銖參乃古案字恐相傳之誤耳

△△ 案壘也從△從土
力軌切

案壘也者廣韻集韻引作△壘也又廣韻△壘也出字林急就篇壘壘層層庫東箱顏注壘壘累壘而為障蔽也王

注壘當作△後漢書周紆傳常築壘以自給或作瓠集韻瓠瓠瓠也從△從土者當有△亦聲三字

文三

四 陰數也象四分之形凡四之屬皆從四
息利切

陰數也者倍二為四倍四為八皆耦數易繫辭天三地四乾鑿度孔子曰陽三陰四位之正也陸倕新刻漏銘測於地四參以天一象四分之形者口象四方鄭注乾鑿度云方者徑一而而四也說苑發於一成於二備於三周於四八象其分本書八下云象分別相背之形又六下云易之數陰變於六正於八

古文四

籀文四

聘禮注引朝貢禮純四只趙商問只長八寸四入三十二幅廣三尺二寸大廣非其度鄭答古積畫誤為四當為三三則二尺四寸矣又覲禮四享皆束帛加璧注云四當為三古書作三四或皆積畫此篇又多四字字相似由此誤也疏引

書咨三岳外薄三海皆積畫昭十二年左傳是四國者專足
畏也劉炫云古四字積畫四當為三馥案史記舜踐帝位三
十九年三亦當為三

文一 重二

𠄎

辨積物也象形凡宁之屬皆從宁

直呂切

辨積物也者辨當為辯辯治也本書貯積也錢君大昕曰
史記貨殖列傳積著之理務完物著即古貯字說文宁訓
辨積物是積宁本字

𠄎

帑也所以載盛米從宁從留留缶也

陟呂切

篆當作𠄎 通作貯新序刺奢篇鄒穆公有令倉見鴈必以
糶無得以粟于是倉無糶而求易於民二石粟而得一石糶
吏以為費請以粟倉之穆公曰爾知小計不知大會周諺曰
囊漏貯中而獨不聞歟夫君者民之父母取倉之粟移之於
民此非吾之粟乎粟之在倉與在民於我何擇馥案穆公之
意蓋謂倉粟移於民猶囊粟漏於貯宋書范泰傳故囊漏貯

中識者不吝魏畧太祖調丁斐曰譬如人有
盜狗而善捕鼠盜雖有小損而完我囊貯

帑也者本書帑載米貯也廣雅帑貯也 所以載盛米者
玉篇廣韻所引竝無載字 從留留缶也者本書東楚名
缶曰由龍龕手鑑貯下引本書盛米具也 從宁者徐鍇本有宁亦馨三字

文二

𠄎

綴聯也象形凡𠄎之屬皆從𠄎

陟劣切

綴聯也者廣雅作連檀弓殷
主綴重焉注云綴猶聯也

𠄎

合箸也從𠄎從糸

陟衛切

合箸也者本書箴下云綴衣箴也鍇下云可以綴箸物者
茵下云以艸補缺或以為綴廣韻綴連補也內則紉箴請
補綴書立政綴衣正義云衣服必連綴箸之詩長發為下
國綴旒箋云綴猶結也如旌旗之旒縵著焉 從𠄎從糸
者徐鍇本作從 糸從𠄎從𠄎亦馨

文二



醜也象人局背之形賈侍中說以為次第也凡亞之

屬皆從亞 衣駕切

醜也者亞經典通作惡書洪範六極五曰惡傳云醜陋也
鄭注容毀故致惡也五行傳云兇不恭之罰也襄二十六年
左傳生佐惡而婉太子痤美而很杜注佐貌惡而心順
痤貌美而心很戾昭二十八年傳昔叔向適鄭驪蔑惡欲
觀叔向從使之收器者而往立於堂下一言而善叔向聞
之曰必醜明也下執其手以上曰昔賈大夫惡娶妻而美
三年不言不笑御以如皋射雉獲之其妻始笑而言今子
少不颺子若無言吾幾失子矣杜注惡貌醜也言其醜且無勇晏子
傳知伯曰惡而無勇杜注惡貌醜也言其醜且無勇晏子
春秋內篇公曰嘻亦老且惡矣尸子禹長頸鳥喙面貌亦
惡矣莊子德充符衛有惡人焉曰哀駘它釋文云哀駘醜
貌它其名也趙策鬼侯有子而好故入之於紂紂以為惡
史記澹臺滅明狀貌甚惡漢書五行志形貌醜惡列女傳
齊孤逐女狀甚醜潛夫論潛歎篇何貌惡之若此而覆謂

之好也史記盧縮孫他之封惡谷侯漢書作亞谷楚郢宛

字子惡世本邱昭伯名惡戰國策秦有魏醜夫昔人得古

印文曰周惡夫識者謂是周亞夫凡不善皆曰醜詩亦孔

之醜傳云醜惡也泮水屈此羣醜箋云醜惡也遵大路無

我醜兮箋云醜亦惡也正義云醜與醜古今字文十八年

左傳醜類惡物杜云醜亦惡也成九年傳渠邱城惡莒城

亦惡魏策求其好掩人之美而揚人之醜者而參驗之趙

策寡人以王子為子任欲子之厚愛之無所見醜鮑注醜

惡事也 象人局背之形者五經文字惡從亞亞象曲脊

醜惡之形 賈侍中說以為次第也者釋言亞次也釋名

聖者亞也次也又云兩婿相謂曰亞言一人取姊一人取

妹相亞次也易繫辭言天下之至噴而不可惡也釋文云

荀作亞亞次也書敎誓亞旅傳云亞次也特性饋會禮亞


獻尸士喪禮兩肩亞兩胎亞注云亞次也公倉大夫禮腊

腸胃亞之注云亞次也文六年左傳為亞卿焉杜注亞次

也襄十九年傳圭媯之旻亞宋子杜注亞次也尚書大傳


王升舟入水鼓鐘惡觀臺惡將舟

惡宗廟惡注云惡讀為亞亞次也



亞 衣駕切

文二



五行也從二陰陽在天地間交午也凡五之屬皆從

五 疑古切

五行也者釋名五行者五氣也於其方各施行也昭三十二年左傳天有三辰地有五行風俗通皇霸篇五行者品物之宗也道以三興德以五成漢書藝文志五行者五常之形氣也五行志引洪範初一日五行顏注謂之行者言順天行氣洪範正義云五行即五行材也謂之行者若在天道也者物之動莫不由道也是故發於一成於二備於三周於四行於五是故元象著明莫大於日月察變之動莫著於五星天之五星運氣於五行其初猶發於陰陽而化極萬一千五百二十新唐書五行志萬物盈於天地之間而其為物最大且多者有五一日水二曰火三曰木四曰金五曰土其用於人也非此五物不能以為生而闕其一不可是以聖王重焉夫所謂五物者其見象於天也為五星分位於地也為五方行於四時也為五德稟於人也為

五常播於音律為五聲發於文章為五色而總其精神之用謂之五行昭九年左傳妃以五成注云五行各相妃合得五而成洪範一五行一曰水二曰火三曰木四曰金五曰土禮運播五行於四時注云一曰水二曰火三曰木四曰金五曰土漢書律歷志天以一生水地以二生火天以三生木地以四生金天以五生土鄭注中庸木神則仁金神則義火神則禮水神則信土神則知淮南天文訓子生母曰義母生子曰保子母相得曰專母勝子曰制子勝母曰困從二者徐鍇曰二天地也白虎通五行篇五行者何謂也謂金木水火土也言行者欲言為天行氣之義也地之承天猶妻之事夫臣之事君也謂其位卑卑者親事故自周於一行尊於天也陰陽在天地間交午也者禮運夫禮必本於太一分而為天地轉而為陰陽潛夫論古有陰陽然後有五行徐鍇曰交午更用事也本書午悟也五月陰氣午逆陽冒地而出玉篇午交也史記律書陰陽交故曰午大射儀若丹若墨度尺而午注云一縱一橫曰午謂畫物也特牲饋食記心舌皆去木末午割之注云午割從橫割之內則男角女羈注云午達曰羈也正義云今女翦髮畱其頂上縱橫各一相交通達故曰午達范注穀梁云羈貫謂交午翦髮以為飾史記項羽本紀楚蠶起之

將集解如淳曰眾蠶飛起交橫若午索隱凡物交橫為午
鄭元云一縱一橫為午服虔曰堯作誹誦木於橋梁交午
柱頭崔豹古今注今之華表以橫木交柱頭形似桔槔西
京謂之交午也漢書霍光傳使者芻午如淳曰芻午分布
也顏注一縱一橫為芻午猶言交橫也王觀國曰古篆五
字為X象陰陽交X之義而午字亦取交互之義史言芻
午者四方八達皆通亦交午之義也通鑑裴培得
風疾中使候問芻午於道注云一縱一橫為芻午

古文X省

子華子五居中宮數之所由生一從一橫數之
所由成本書悟古文作X蓋五古文又作X

文一 重一



易之數陰變於六正於八從八凡六之屬皆從

六力竹

易之數陰變於六正於八者易乾鑿度陰得位以六八六
八者四六四八也又云陽變七之九陰變八之六鄭注陽

動而進變七之九象其氣息也陰靜而退變八之六象其
氣消也易乾卦正義云張氏以為陽數有七有九陰數有
八有六但七為少陽八為少陰質而不變為爻之本體九
為老陽六為老陰文而從變故為爻之別名王禕洛書辨
位八為少陰之數故二與八對劉禹錫稱董生之說曰揲
著者九與六為老老為變爻七與八為少少為定位歐陽
修曰乾爻七九九變而七無為易道占其變曰用九釋所
以不用七坤爻八六六變而八無為曰用六釋所以不用
八王觀國曰一三五為九九九者老陽之能變者也二四為
六六者老陰之能變者也乾純陽故乾言用九坤純陰故
坤言用六老陽生少陽七是已老陰生少陰八是已九六
七八乃揲著之變而為卦者也龍八十一鱗九九之數也
鯉三十六鱗六六之數也龍在天而能變者故得九九之
數鯉在地而能變者故得六六之數大抵得九六之數者
皆有變之理蓋天地自然之道也夢溪筆談象數一易象
九為老陽七為少八為少陰六為老舊說陽以進為老陰
以退為老九六者乾坤之畫陽得兼陰陰不得兼陽此皆
以意配之不然也九七八六之數陽順陰逆之理皆有所
從來得之自然非意之所配也凡歸餘之數有多有少多

為陰如爻之偶少為陽如爻之奇三少乾也故曰老陽九
揲而得之故其數九其策三十有六兩多一少則一少為
之主震坎艮也故皆謂之少陽駟駟駟中皆七揲而
得之故其數七其策二十有八三多坤也故曰老陰六揲
而得之故其數六其策二十有四兩少一多則多為之主
冥離兌也故皆謂之少陰駟駟駟中皆八揲而得之
故其數八其策三十有二物盈則變繼多陽盈為老故
老動而少靜吉凶悔吝生乎動者也卦爻之辭皆九六者
惟動則有占不動則無眛雖易亦不能言之國語謂正屯
悔豫皆入遇泰之入是也從入者鄭注乾鑿度四者西
方之數西方日所入也

文一

陽之正也從一微陰從中裛出也凡七之屬皆從七

親吉切

篆文七與十相似惟直畫屈中書者易誤故沈存中謂史
記律書所言律之長短凡七皆當作十誤屈其中畫耳

陽之正也者陰數變於六正於八陽數變於九正於七也
易乾鑿度一變而為七鄭注七主南方陽氣壯盛之始也
王禕洛書辨三為少陽之位七為少陽之數故三與七對
從一微陰從中裛出也者本書丙下云陰氣初起陽氣
將虧午下云五月陰氣午逆陽冒地而出申下云七月陰
氣成體馥謂陽立於七故七為陽正陰生於陽故陰從陽
出七與屯同意

文一

陽之變也象其屈曲究盡之形凡九之屬皆從九

切

陽之變也者易乾卦初九正義云老陽數九老陰數六老
陰老陽皆變周易以變者為占所以老陽數九老陰數六
者以揲著之數九遇揲則得老陽六遇揲則得老陰象
其屈曲究盡之形者九究聲相近廣雅九究也白虎通禮
樂篇九之為言究也子華子數登於九而究矣列子天瑞
篇一變而為七七變而為九九變者究也易乾鑿度九者

兌文解字義登

卷四十七

七

氣變之究也漢書律歷志九者所以究極中和為萬物元也

九

九達道也似龜背故謂之增增高也從九從首

渠道切

玉篇有古文作旭

魏志武帝紀遼東殷旭注云旭古達字

見三蒼 王粲從軍詩士女滿莊旭 顏延年皇太子釋奠

詩野旭

風馳

九達道也者釋名九達曰達齊魯謂道多為達師此形然也釋宮九達謂之達郭注四道交出復有旁通詩施于中

遠韓作旭薛君章句云申旭旭中九交之道也宣十二年左傳至於達路隱十一年傳及大達弗及注云達道方九

軌也劉炫規杜以達為九道交出淮南說林訓楊子見達路而哭之為其可以南可以北高注道九達曰達三輔洩

錄長安城面三門四面十二門皆通達九達以相經緯思元賦神達昧其難覆兮舊注九交道曰達成公綏柳賦臨

九達之通衢魏志賈逵字梁道晉中興書戴逵字安道似龜背故謂之旭者宣十二年左傳釋文引同龜旭聲相

近初學記逵一曰旭言似龜背故曰旭見說文 旭高也者徐鍇本在達下

堊

堊或從彳從壘

徐鍇本堊高也故從壘鍇曰壘高土也馥案本書堊下云尤高也

文二 重一

𧾷

獸足蹂地也象形九聲尔疋曰狐狸獾貉醜其足躡

其迹凡凡之屬皆從𧾷

人九切

獸足蹂地也者爾雅釋文引同本書巽下云象百頭足𧾷地之形古文巽下從𧾷撚下云一曰蹂也一切經音義九

蹂古文作𧾷通俗文踐穀曰蹂蒼頡篇蹂踐也熟躡也廣雅蹂履也西都賦蹂躡其十二三季善引字林蹂踐也

尔疋曰狐狸獾貉醜其足躡其迹凡之屬皆從𧾷者釋獸文彼作狸狐

狸郭注脚饒指又案周禮大司徒注引尔雅作貂狐狸貉疏云鄭君所讀爾雅者為貂不為狸也

𧾷

篆文從足柔聲

篆文者此為篆文則瓜是古文爾雅釋文蹂古文為瓜因瓜之屬從瓜故以古文為部首 從足柔聲者古文瓜象形篆文蹂變為諧聲爾 雅釋文引字林或作趾

禽

走獸總名從瓜象形今聲禽鳥頭相似 互今切

走獸總名者本書臭下云禽走臭而知其迹者犬也為下云母猴也其為禽好爪禮曲禮猩猩能言不離禽獸走獸即禽獸易師卦田有禽比卦王用三驅失前禽又屯卦即鹿无虞以從禽也李鼎祚曰案白虎通禽者何鳥獸之總名即比卦九五爻辭王用三驅失前禽是其義也詩車攻傳云不成禽不獻禽雖多擇取三十焉周禮大司馬小禽私之詩七月傳引作小獸私之獸人及樊田令禽注于虞中宣十二年左傳攝叔奉麋獻焉曰以歲之非時獻禽之未至敢膳諸從者趙策虎將即禽禽不知虎之即已也而相鬪兩罷而歸其外於虎周書皇門解譬若畋犬驕用逐禽其猶不克有獲史記甘茂傳禽困覆車集解譬禽獸得困急猶能抵觸傾覆人車漢書蒯通傳野禽殫走大亨華陽國志巴志加以水陸艱難山有猛禽思迫期會隕身江河投於虎口水東日記於越志云吳正道東陽人明六書

出

山神獸也從禽頭從瓜從中歐陽喬說禽猛獸也

呂支

許慎說文有不足者補之臨川吳文正公澄問禽獸二字曰禽即獸也曰兩翼為禽四足為獸何以說即曰禮不云乎猩猩能言不離禽獸鸚鵡能言不離飛鳥澄大敬之馥案禽獸二字對文則分字林兩足曰禽四足曰獸釋鳥二足而羽謂之禽四足而毛謂之獸匡謬正俗云曰是總別飛走大名是也鳥獸亦通稱為禽本書鳥下云長尾禽總名也白虎通禽者何鳥獸之總名周禮庖人掌共六畜六獸六禽注云六禽於禽獻及六摯宜為羔豚犢麋雉雁凡鳥獸未孕曰禽司馬職曰大獸公之小禽私之三國志華陀傳陀語吳督曰吾有五禽之戲一曰虎二曰鹿三曰熊四曰猿五曰鳥此亦非走竝謂之禽善乎閻百詩之言曰國語里革曰登川禽韋昭注川禽鼈蜃之屬按鼈介蟲也是亦可謂之禽猶考工記天下之大獸五有鱗者鱗水蟲也亦可謂之獸乃知禽獸所包甚廣不必二足而羽四足而毛者而後謂之也 從瓜象形今聲者徐鍇本作頭象形從瓜今聲鍇曰頭象也 禽離頭相似者本書

象形從瓜今聲鍇曰頭象也

凶當 為

山神獸也者通作螭李善注文選引作山神獸形宣三年
左傳螭魅罔兩服注螭山神獸形後漢書竇憲傳螭虎之士注
以禦螭魅賈注螭山神獸形也廣雅山神獸謂之螭或作魑通俗文注
云螭山神獸形也廣雅山神獸謂之螭或作魑通俗文注
澤怪謂之魑魑漢書王莽傳投諸四裔以禦魑魅顏注魑
山神也從禽頭者魏志和洽傳子禽嗣注音離禽本作
離寫誤從中者徐錯本作中聲中非聲當如萬禹象形
歐陽喬說離猛獸也賈注左傳螭或曰如虎而噉虎吳
都賦神螭掩五臣注神螭猛獸也典引虎螭其師李善云
如虎如螭也通作離史記周本紀如豺如離徐廣曰離音
義訓與螭同

𧈧

蟲也從瓜象形 無販切

蟲也者廣韻引字林萬蟲名也莊子天運篇其知憯于屬
蠶之尾釋文云或云依字上當作蠶下當作蠟獲牖閒評

萬者蠟也通俗文長
尾為蠟短尾為蠟

𧈧

蟲也從瓜象形 王矩切

蟲也者廣韻引字林禹蟲名也玉篇蠻禹蟲也本書蠻
知聲蟲也增韻禹蟲一名蠻洪武正韻蠻禹蟲知聲者

𧈧

古文禹

漢書藝文志大命三十七篇
傳言禹所作顏注命古禹字

𧈧

周成王時州靡國獻鸛人身反踵自笑笑即上脣掩

其目倉人北方謂之土螻爾疋云鸛鸛如人被髮一

名梟羊從瓜象形 符未切

周成王時云云者徐錯曰反踵脚跟在前也字或作狒爾
雅圖讚狒狒怪獸被髮操竹見人則笑脣蔽其目終亦號
吽反為我戮西京賦擅狒狒飲薛注鸛獸身人面身有毛被
髮迅走倉人酉陽雜俎狒狒飲其血可以見鬼力負千斤

笑輒上吻掩額舊說反踵獵者言無膝睡常倚物字又作
 蠶本草拾遺鸛鸛亦作鸛出西南夷如猴宋孝建中獠子
 以西波尸地高城郡安西縣主簿韋文禮進雌雄二頭宋
 帝曰吾聞鸛鸛能負千鈞若既有力如此何能致之彼土
 人丁鑾進曰鸛鸛見人喜笑則上脣掩其目人以釘釘箸
 額任其奔馳俟久而取之髮極長可為頭髮血堪染鞞其
 毛一似獼猴人面紅赤色作人言鳥聲善知生外飲其血
 使人見鬼帝聞而欣然命工圖之或又作鬚郭注山海經
 云周書曰州靡鬚鬚者人身反踵自笑笑則上脣掩其面
 爾雅云鬚鬚大傳曰周書成王時州靡國獻之海內經謂
 之贛巨人今交州南康郡深山中皆有此物也長丈許脚
 跟反向健走被髮好笑雌者能作汗洒中人即病土俗呼
 為山都元稹詩鬚鬚穿筒格注云南人俗法嘗用竹筒穿
 臂以受之鬚鬚執臂輒笑笑則脣蔽兩目人因自筒中出
 手以劍釘之於樹爾疋云鸛鸛如人被髮者釋獸文彼
 作狒狒如人被髮迅走倉人郭注泉羊也山海經曰其狀
 如人面長脣黑身有毛反踵見人則笑交廣及南康郡山
 中亦有此物大者長丈許俗呼之曰山都釋文引本書作
 鸛鸛有讀若費費四字 一名泉羊者初學記二十九引
 有如鹿善登木五字小字本李燾本竝作泉陽爾雅釋文

亦引作泉陽張衡元圖泉羊喜獲先笑後愁海內南經泉
 羊國在北胸之西其為人面長脣黑身有毛反踵見人
 笑亦笑左手操管吳都賦舊注云泉羊善食人大口其初
 得人喜而笑却脣上覆額移時而後食之人因為筒貫於
 臂上待執人人即抽手從筒中出鑿其脣於額而得禽
 之 從夙象形者徐錯本云象形從曰從內讀若費

夙 蟲也從夙象形讀與夙同

私刻

夙也者廣韻引字林夙蟲名也 讀與夙同者廣韻夙殷
 祖也或作僕本書僕下去高辛氏之子堯司徒殷之先史
 記司馬相如傳契不能計漢書作夙張指曰夙為堯司徒
 敷五教率萬事列女傳簡狄吞燕卵生夙北堂書鈔引尙
 書荆德放夙為司徒申鑒政體篇夙布五教括地志商州
 商洛縣古之商國帝嚳之子夙所封也通鑑寶武上書此
 誠陛下稷夙伊呂之
 佐注云夙古契字

𦍋 古文夙

此非夙之古文蓋鬻之古文後人亂之𦍋象鬻之髮本書古
 文子作𦍋云從𦍋象髮是也吳都賦其下則有泉羊麤狼舊

注引爾雅臯羊一名嶴嶴賦又云嶴嶴笑而被格舊注嶴嶴臯羊也

文七 重三

𧰨 𧰨也象耳頭足瓜地之形古文𧰨下從瓜凡𧰨之屬

皆從𧰨 許救切

𧰨也者釋畜釋文云畜本又作𧰨字林云𧰨產也說文云
𧰨牲也本書𧰨畜牲也乳下云人及鳥生子曰乳獸曰產
獸當作𧰨集韻畜謂六畜或作𧰨廣韻𧰨產亦作畜玉
篇六𧰨牛馬羊鷄犬豕也養之曰𧰨用之曰牲今作畜方
言陳楚之閒凡人𧰨乳而雙產謂之𧰨孳楚詞大招曲屋
步擱宜擾𧰨只注云宜乘擾謹之馬通作獸周禮天官敘
官獸醫注云獸牛馬之類易中孚釋文畜本或作獸爾雅
釋畜釋文畜許又反本又作𧰨音同經典竝作畜字禮記
左傳皆云名子者不以畜牲左氏又云古者六畜不相為
用是也匡謬正俗武成序云武王伐殷往伐歸𧰨孔安國
注云往誅紂克定偃武修文歸馬牛於華山桃林之牧地
徐仙民音𧰨為始售反按武成當篇云歸馬於華山之陽

放牛於桃林之野此與序意相承又許氏說文解字云𧰨
𧰨也字林𧰨音火又反獸字從𧰨從犬斯則六畜之字本
自作𧰨於後始借畜養字為耳且𧰨獸類屬不同𧰨者人
之所養獸者是山澤所有故爾雅論牛馬羊豕則在釋畜
論麋鹿虎豹則在釋獸較然可知若武王歸鹿華山之陽
放虎桃林之野可言歸獸所歸故者既馬牛當依𧰨字
本音讀之不得以作獸字一邊便謂古文省簡即呼為獸
且堯典云鳥獸孳尾鳥獸毛毳鳥獸希革鳥獸毼毛旅獒
云珍禽奇獸不育于國皆作獸字不作𧰨也何獨武成一
篇以𧰨為獸斯不然矣養牖閒評武成古本原作𧰨字想
因唐明皇改為今本尚書時未究𧰨字之義而增益之也
今其下亦云本或作𧰨許救切益知古本作𧰨字無疑矣
象耳頭作瓜地之形者心与古文

𧰨 守備者從𧰨從犬 舒救切

守備者者釋鳥釋文引有一日兩足曰禽四足曰獸十字
廣韻引字林同獸守聲相近異苑張茂嘗夢大象以問萬
雅獸守也周禮獸人時田則守𧰨注云備獸觸攫錢君大

昭曰獸之言狩也古文獸與狩通小雅搏獸于敖水經注引作薄狩何休公羊傳注狩猶獸也馥案東京賦亦引作薄狩淮南覽冥訓狡蟲外高誘曰蟲狩也張遷碑帝游上林問禽狩所有楊君石門頌惡虫幣狩隸釋云以幣狩為幣獸釋鳥二足而羽謂之禽四足而毛謂之獸玉篇四足有毛走者謂之獸從犬者本書狗叩氣吠以守

文二

